

# Limburgse vastelaovend-leedjes

**Bertha Paulissen-Willen**

## **bron**

Bertha Paulissen-Willen, *Limburgse vastelaovend-leedjes*. Keulers, Geleen 1974

Zie voor verantwoording: [https://www.dbnl.org/tekst/paul022limb01\\_01/colofon.php](https://www.dbnl.org/tekst/paul022limb01_01/colofon.php)

Let op: boeken en tijdschriftjaargangen die korter dan 140 jaar geleden verschenen zijn, kunnen auteursrechtelijk beschermd zijn. Welke vormen van gebruik zijn toegestaan voor dit werk of delen ervan, lees je in de [gebruiksvoorwaarden](#).



MET CARNEVAL 1927

## Met Carneval 1927

Teks: Jacques Pirson  
Meziek: G.F. de Pauw

Ederein geit zich verkleie  
In de groetste fantesie  
Want zoen daog goon eus verbleie  
En wat welste daan nog mie.

't Meitske met kort haor en lokke  
Jongesechtig in de nek  
Zal ze men'ge jong verlokke  
Of ze helt h'm veur de gek.

Jonges meitskes zulle zeuke  
Wee de jong is of de meid  
't meitske zal de jong verneuke  
En de jong verneuk de meid.

De recherche en de pelitie  
Stoon te loere haaf versuf  
Neume neet mie ens notitie  
Wee de jong is of de juf.

Dat zal altied wel zoe blieve  
Zoe lang carnaval besteid  
Niemand wins daan thoes te blieve  
Waant dat is gein aordigheid.



MET CARNEVAL 1928

## Met carnaval 1928

Teks: Jaques Pirson

Meziek: G.F. de Pauw

Och minse wat geit 't toch good in eus Mastreech  
 Vaol geld weurd hei verdeend en niemand lop mie leeg  
 En gaot geer nao Berlien, Peries of Amstelstad,  
 Daan komp geer trok en zegt, iech hob gein lol gehad.

Refrein:

Het is ummers de woerheid wat me met zoen daog zeet.  
 Vastelaovend de daog vaan vräög plezeer  
 Want es veer toch verkleid zien, daan zien veer 't weer neet  
 Nao die daog daan zien veer 't wel weer.

Belasting die betaole, kump us neet van pas,  
 Veer legge al die duite stiekum in eus kas,  
 En alle dat betaole brink niks in eus tes  
 Want es veer dat wel doen, daan goon veer op de fles.

Refrein:

De slachters hendeleers die klaoge stein en bein  
 Ze spreke vaan ellende, höbbe zoe sjagryn,  
 Gaot geer ins Zoondaags loere in 't Paradies  
 Z make ei verteer, dao kumpste neet oet wies.

Refrein:

De doeve vaan de Vriethof die höbbe gelök  
 Ze vleege op ten sjouwer, en op tiene rök  
 En keump taan iemand mèt bleenketige knuip  
 Dan goon die errem bieste, stiekum oppe luip.

Refrein:

## Alaaf Gelain!

Teks: Lei v. Cruchten

Vivat Gelain, vivat Gelain  
 Dat viert auch Carnaval  
 Daoveur zin veer noe auch bieëin  
 Bewieze dat het toch waal geit  
 Al is het nog gein prach en praal  
 Dat kump auch later waal (bis)

Oos motto is 'Alaaf Gelain',  
 Dat hawte veer noe hàog  
 Modern zin veer in merg en bein  
 Dat weiten veer van eederein  
 En doon dus wat ein ander kan  
 Veer vieren Carnaval! (bis)

Veer hubbe hie ein hermenie  
 Jao zelfs ene gooie zank  
 't Zin de parels van oos wiek  
 Die veer dan ouch neet wille kwiet  
 Al sjteit noe alles op de kop  
 Die twee haute veer op! (bis)

Veul doon veer auch aa ngymnastiek  
 Dat is de K.D.O.  
 Dao sjteit nog nève 't auwe 'Quick'  
 In blauw-wit altied rap en sjiek.  
 Al sjtaon ze noe auch oonderaan  
 Ins komm' ze bàoven aan! (bis)

Veer hoove auch neet bang te zeen  
 Zelfs neet in aorlogstied  
 Want hie is toch ein sjutterie  
 Die altied sjut mit baog en piel  
 Dan is ter nog ein Hondeklup  
 Van neet allein klein Pucks! (bis)

Wè kènt auch neet 'De Zwaluw' dan  
 De Doeveklup van Sef  
 De Vink-, de Spaar- en Reiz'gerskleur  
 De Ruiter-, Dam- en Jokerbreurs  
 Van alles hubbe veer hier get  
 Aan niks is hie gebrek! (bis)

't Volgend jàor zin veer weer klàor  
 Dat is noe oos besjloet  
 Veer sjtelle wee rene optoch dào  
 En hàwte Carnaval sjteets hàog.  
 Drom zinge veer noe auch tot 't sjalt  
 Lang leef' Prins Carnaval! (bis)

## De Momus d'n Tempel vaan Plezeer

Jef Notermans

Hoeg op de rand vaan 't machtig taak  
(de Momus-Tempel is al aait)  
dao lach 'n Zotskap, heet vermaak  
in 't leech vaan zon, vaan maon en staar,  
al isset werm of biestig kaait.

Deen Tempel, groet en sjoen, vol seer,  
dee gaof Mestreechter lui plezeer  
door klaank en zaank, toneel en dans  
vaan Mommezin en Tempeleer  
Wie mennig keend had tao häör chance!

Dao loonkde, lachde maskes-leef.  
Dao hoort me fluustre: 'Hartedeef.....'  
of 'Sjei noe oet, iech kin neet mie',  
es, nao Gavot'- en Wals-gezweef,  
ziech lekker puunde Fien en Pie.

Wie sjalde dao e löstig leed!  
Wie droonk me neet de **wiin** en 't beer!  
Dao greujde pas d'n Tempeleer.  
En vloog tao ouch al pluim of veer,  
me dach aon sjraom en charité.

Nog steit aon 't allersjoenste Plein  
d'n Tempel - hoeg vaan Naomse stein.  
Servaos dee lach aon d'euverzij.  
Dee gunt z'n Keender, vrij en blij,  
et zuiver Tempeleersplezeer.



OCH WAAT HÖB ZE NOE GEDAON

## Och waat hōb ze noe gedaon...

Teks en meziek: L.H.G. Leenhouts Roermond

Ich kaup mich op den tied auch waal ei glaeske beer  
 Het zeen der op d'n tied auch waal ins meer es veer  
 Mien vrouw die haet gezag, jong det gebeurt neet meer  
 Noe is het auch d'n allerletste keer

Refrein:

Och waat hob ze noe gedaon  
 Had det beer toch laote staon  
 Waas mit mich nao hoes toe gegaon  
 Had neet aan den teek gaon staon  
 Och waat hob ze noe gedaon  
 Had det beer toch laote staon.

## 't Sjunste vuur miech

Teks en meziek: J. Pauwels

Went inne vraagt,  
 wat is 't sjunste op de welt,  
 zaan iech, ing kis vol jeld  
 't leefste ongetseld, doabij ee meëdsje  
 wat mie hets-je dan jevilt,  
 dat is vuur miech 't sjunste op de welt;  
 han iech dat alles dan kasseerd,  
 zaan iech, dat meëdsje onsjeneerd:

Refrein:

Ja, wat han iech diech jezaat,  
 dats doe 't sjuntste bis,  
 't allersjunste bis;  
 ja, wat han iech diech jezaat,  
 doe bis 't sjunste wat der Herjod hat jemaat

En sjpils doe toto en doe has in kieër jeluk,  
 doe kries 'n fienge pluk, 'n sjtüts vuur i-jen ruk,  
 Bis noch jezonk van haats ziech dan mer wirklicch vroeë  
 de vaan eroes, weë wilt os nog jet doeën,  
 krien diech der toto-sjien in heng  
 en zing da kreftig der refreng:



PAK MICH INS EFFEKES



### Pak mich ins effekes

Teks: Toon Nieskens Linne

Meziek: Pierre Dentener Weert

Veer zeen te jonk, om sjtil te zitte  
 Veer zeen te jonk, om sjtil te sjtaon  
 Veer zeen te jonk, om hiej te pitte  
 En daorum sjoenkel, en laot 'm gaon!

Refrein:

Pak mich ins ef-fe-kes  
 Ef-fe-kes  
 Ef-fe-kes  
 Onger den er-rem  
 Haoj mich ins vas  
 Haoj mich vas  
 Haoj mich vas  
 Kom sjoenkel mit mich.  
 Pak mich ins ef-fe-kes

Ef-fe-kes.  
 Ef-fe-kes.  
 Onger den er-rem  
 Haoj mich ins vas  
 Haoj mich vas  
 Haoj mich vas  
 Doe bös toch van mich!

Veer zeen weer hiej, wiej anger jaore  
 Veer zeen weer hiej, wiej eederein  
 Veer zeen weer hiej, om op te klaore  
 En daarom sjoenkel, de henj inein!  
 Refrein:



GAANK TOCH KIENE

## Gaank toch kiene

Teks en meziek: Sjeng Kraft

Noonk Nelis heet de pes in  
 Heer zeet nondepie  
 Dat kump door ziene brommer  
 Want dee löp neet mie  
 Noe moot zien vrouw goon kiene  
 Wel drei kier in de week  
 En es ze geine zi nheet  
 Daan liet heer eine keek

Refrein:  
 Gaank toch kiene, gaank toch kiene Miets  
 En win veur miech unne mienie fiets  
 Gaank toch kiene, want mesjien höbs tiech gelök  
 En kumpste met u mieniefietske trök.

't Weurd noe wel vervelend  
 Veur die errem vrouw  
 Want boe mer get te kiene is,  
 Moot zie nao touw  
 En Nelis blijf mer drömme  
 Vaan ziene mieniefiets  
 Want 's nachs maak heer heur wakker  
 En vraog er aan zien Miets.  
 Refrein:

## Mit vasteloavend...

Teks: Cas Sprokel

In de vasteloavendsiet, weët hij veul sjipas jemaat.  
 Mè dinkt da mer alling aa vreut,  
 aa zörrig weët nit jedaat.  
 Der karneval is noen werm doa,  
 bij os i Kirchroa.  
 Doarum zeng da ooch mit miech mit,  
 zeng dis refreng ens noa....

Refreng:  
 Mit vasteloavend, mit karneval.  
 Da is jants Kirchroa,  
 ja richtieg knal,  
 Mit vasteloavend jong da is jet oes,  
 bis easjermitwoch junt vier daan eroes. (2x)

VEURSPIEL

REFRAIN

COUPLET

Refrain

DE SJWANSTE TIED VAN 'T JOAR

## De sjwanste tied van 't jaor

Teks en meziek: José Daemen-Ubags

Ich dênk 't ganse jaor daoan, wat is dêe tied toch sjwan  
 Dan kumt weer eine nuje prins, dêe zit dan op den trwan  
 Dao sjprênge veer dan auch êns mit, dat hilt ôs lekker fit  
 Dan weurd gedrônke en gedans, en eder hêt weer sjans

Refrein:

Pekske aan masker op, 't is carnaval 't is carnaval  
 Pekske aan masker op, dan kômme veer besjlis neet stop.  
 Drie dolle daag die zeen weer dao, want 't is weer carnaval  
 Veer gaon ejts mit den optoch mit, en 'saoves nao 't bal  
 't Pekske kump dan oet de kas, dat wurd weer gauw gepas  
 Verkleid es aap of eine hondj, zwa louppe veer dan ronjd

't Ergste is de lêtste daag, es veer nao hoes toe gaon  
 Dan zêgge veer wat jaomer toch, noe is 't weer gedaon  
 Wat hóbbe veer weer spas gehad, al is os beurs weer plat  
 En dênke dan wat ei geluk, 't kumt weer ummer truk.  
 Refrein:

## Karnaval 1971

Drie daag is et Karnaval  
 Drie daag vol plezeer.  
 En noe mer sjpringe  
 Met ene lach ene glaeske beer.  
 Laot uuch noe neet hange  
 En blief noe neet in hoes,  
 Want de Sjoutvot geit regere,  
 Bringt de sjpas hie aan de Kloes.

Refrein:

Sjoutvot, sjoutvot,  
 Doe sjteis mich baovenaon.  
 Sjoutvot, sjoutvot,  
 Zonger dich ies et niks gedao.  
 Sjoutvot, sjoutvot,  
 Hawt uuch aan mekaar noe vas,  
 Want same met us sjoutvot  
 Make veer noe drie daag sjpas.  
 Alaaf!



ICH HOB DE KRIEBEL



## Ich höb de kriebel

Teks: Toon Nieskens

Meziek: Johnny Helmstrijd

De karneval dae is t'r  
 Veer zeen neet van gister  
 Veer zeen van vandaag en van morge  
 En gluif mer gros songer zorge.

Refrein:

Ich höb de kriebel in de bein, ich ouch ouch ouch  
 Ich höb de kriebel in de bein, ich ouch ouch ouch.  
 Mer waat kan det sjille en waat kan det bomme  
 Veer höbbe de kriebel  
 Veer höbbe de kriebel de kriebel in de bein

Veer sjanse en veer danse  
 Benutte de kanse  
 Want eerder nao hoes gaon duit geine  
 Veer pitse der eerst nach ins eine  
 Refrein:

## Kirchroa viërt karneval

Cas Sprokel

I Kirchroa weët al joare laank,  
 der karneval jevieërt.  
 Dat kent me hij va kink aaf aa,  
 dat kriet me nit jeliëert.  
 Me drinkt da jeer eejleesje wien  
 konjak en ooch ee beer.  
 Me maat ziech sjpas,  
 me zengt en sjprengt,  
 ejaar i wat vuur weër....

Refrein:

Kirchroa, Kirchroa, jants Kirchroa is huu knal.  
 Kirchroa, Kirchroa, vieërt huu karneval.  
 Kirchroa, Kirchroa hat 'zoeë jeer eng sjpas.

Doarum weët huu werm sjpas jemaat, (2x)  
aa zörrig weët nit jedaat (2x).



SAKKERLOOT, DAT DEIT GOOD

## Sakkerloot, dat deit good

Zus Sanders

Ei potje beir, en veul plezeir  
t Maske op t is carnaval  
En in mien erm, haud ich dich werm  
Mie maedje van t marotte-bal.

Refrein:

Ich zeen t neit mee zitte  
Tis eine rare tied  
En sakkerdie en sakkerda  
Ich bun al mien cente kwiet  
Gaef em eine laepel sakerloot  
Joa dat deit us good.

En noe drop oet, ein verkessjnoet  
Ei muulke op dae sjoone wal  
Noe gei gezeur, en gei getreur  
Deez drie daag van dae sjaele kal.  
Refrein:

## Schlager 1971

Teks: T. Odekerken-Tilmans

Carneval hie in Meersje  
is veur eederein toch good  
Want al vanaaf 't weegske  
zit de kriebel in 't blood  
Geine wreigel kump die daag te pas  
Aug geine poletiek  
Veer sjpringe en veer doon jel gek  
op allerlei muziek.

Refrein:

Duuj ei kwartsje in de sjoeboks  
dat brink sjtumming in de zaak  
en veer zinge en veer lache  
eederein de zich vermaak  
En tot sjlot eine hekel paaf (2x)  
veur Meersje allaaf allaaf (2x)

*Couplet (Mars)*



*Refrain*



The musical score is handwritten on five-line staves. The first section, labeled 'Couplet (Mars)', consists of three staves of music. The second section, labeled 'Refrain', also consists of three staves of music. The notation includes various note values, rests, and bar lines, all in G major (one sharp) and 2/4 time.

Worum

## Worum

(Mechels/Nyswillers)

Ich bi getrowd  
en kinger han ich och  
En vrôge hant die mieë wie genog  
Mè al is 't nog zoe'n gekke vrôg  
é antwoat han ich toch:

Refrein:  
Worum, worum, worum, worum, worum  
Bin ich diek, en bist doe dun?  
Dôrum, dorum, dorum, dorum, dorum  
Bin ich diek, en bis doe dun!  
(Umdat ich mich e pilske gun!)

En goan ich oet  
en bin get uuver tied  
vrôt de vrouw woasch doe der tel alwer ens kwiet  
Has doe gat net mie a mich gedaat  
heei op hau ich gezaat:  
Refrein:

Ich eat net veul  
mè drinke des te mieë  
Ich kan gee versteestemick va kalorieë  
'ch val wal soms op, mè ginge kilo aaf  
Ich vrôg geweun: alaaf....  
Refrein:

## Boe-veur neet?

Teks: Anny van Loo  
Meziek: Pie Bex

Harie ziene portmenee  
dee waor miestal plat.  
't Waor of heer met Carnaval  
e look te binne had.  
Zien kinder waore neet content,  
want ze hadde spiet.  
Zie zaote zoonder sjievelcent  
en zonge mèr altied:

Refrein:  
Boeveur bis toch  
neet miljonair gewoore?  
Boeveur hōbs tich  
dat ambach neet gelierd?  
Daan waore ver es keend  
al riek geboore

en woord noe daonig  
Carnaval gevierd!



OOS TRUKE

## Oos Truuke

Teks en meziek: P. Kwaspen

Truuke waas jaorig, en mooder die dacht,  
 Ich koup hum ei sjoeen parapluk  
 Het woordj noeuw al zestien, strak gei ut oet  
 Ich mein det is net wat veur Truuke.  
 Astj den auch ins renguldj kantj aeve good gaon  
 En auch nog wat langer bieje 't jong blieve staon.  
 Toen Truuke wat later versjeen oppe straot  
 Zong eederein in de maot

Refrein:

Dao is Truuke, met parapluk,  
 Good veur rengul, sniee en windj  
 Dao is Truuke, met parapluk  
 Gaef mich ei plaetske, aardig kindj.

## Schlager 1961

Teks: O. Cuijpers-Jansen

't Ganse jaor door zitte wae  
 Wie in eine sjtieve kraag,  
 Es ape in ein groëte koëje  
 Woëe dit en det neet maag.  
 Mer kumtj de vastelaovendj aan  
 Den roope wae: Alaaf!  
 En zette vöör drie ganse daag  
 Det sjtieve maske aaf.

Refrein:

Noe pak 'm dich eins efkes vast  
 En griep 'm dich eins good.  
 Mer esse get verlaege böse  
 Den drink dich iëerst get mood.  
 Want in deez drie daag karneval  
 Is det waal toegesjtaon.  
 Dus pak 'm dich mer lekker vast  
 Sjtraks is 't weer gedaon.

't Ganse jaor door wirke wae  
 En laote hiël get zjweit.  
 D'n eine hiët 't soms te sjmaal,  
 D'n angere te breid.  
 Mer kumtj de vastelaovendj aan,  
 Is eederein geliek,  
 Wae zeen den ein van jónk toet aod,  
 Mer auch van erm toet riek.  
 Refrein:



MAXI-POES



## Maxi-poes

Teks: Johan Pletzers

Meziek: Math. Everaarts

Diech bis e leuk meitske vaan de slaanke lèijn  
 Men door diene maxi, zeen iech neet dien bèijn  
 Noe moot iech mer raoje wat daor oonder zit  
 Misjien hob iech miech wel sjoemelik vergis.

Refrein:

Diech bis un maxi poes, maxi poes, maxi poes  
 Toch bin iech neet sjaloos, neet sjaloos, neet sjaloos  
 Wel vind iech diene maxi get liech  
 En dat is toch neet zoe leuk geziech.  
 Diech bis un maxi poes, maxi poes, maxi poes  
 Diech bis un maxi maxi maxi poes.

## Dreumelleef

Teks: Sjaak van Heyster

Janus waas verlège, daat zoat um erg dwaars.  
 't Ergste waas 't as ie beej waat leuke megjes waas.  
 Stong heej is weer te vreeje, kos heej niet oet zien weurd,  
 Maar op ne gooien ovond ja is'tdaan gebeurd.  
 Mit Horster-carnaval, toen zeej de Janus pal:

Refrein:

Dreummelleef, geej ziet toch mienen haartedeef.  
 Als ik oow zeej gon, daan blief meeje aales stôn.  
 Ja oow lien en figuurke mog ur zien.  
 Vur daat aales kriede geej en tien.

Jòre zien verstreke en Janus is getrouwd.  
 Heej het en aardig wiefke en 't het um nooit berouwd.  
 Giet heej is op de lappe, daan is zien vrouw waal kwoy  
 Maar s'oves beej zien thoeskoms  
 zet heej: 'Waat ziede moeij  
 En 's nachts tesaam in bed, zet Janus tot zien Jet.

Refrein:





DE KNIEVEL

## De knievel

Teks: J. Pletzers

Meziek: Sjeng Kraft

Lewie vaan op 't heukske  
 Heet de knievel laote stoon  
 Want zonder knievel welt heer  
 Neet mie door 't leve goon  
 Lewieke is modern  
 Lewieke helt vaan beat  
 Daorum welt us Lewieke ziene knievel neet mie kwiet

De knievel vaan Lewieke,  
 Dat is toch zoene sjieke  
 Bij de love in is heeh hip  
 Met dee knievel op zien lip  
 De knievel vaan Lewieke  
 Dat is toch zoene sjieke  
 Bij de love in is heer hip  
 Met dee knievel op zien lip.

## Och mien leefke

Teks: Sjaak van Heyster

Jan ging danse in den dansaal  
 In den dansaal zoog heej heur.  
 Waat woar zeej toch en leef megje  
 Krek en echte bellefleur.

Refrein:  
 Och mien leefke, och mien leefke,  
 Och mien leefke kus meej toch.  
 Gef meej now toch nog en snuutje  
 Want ik krieg ma nit genoeg.

't Orkest daat speulde wieder,  
 Jan wis neet wat heej mos doen.  
 Um zich ietskes mood te drinke  
 Is heej noa den tap gegoan.  
 Refrein:

Noa en pils of vief zes, zeuven  
 joa, oten waar heej ni mier bang  
 En um ellef in 't duuster  
 Fluustert Jan zach an heur wang  
 Refrein:



TANT SJANA DE MINI-ROK



## Tante Sjana de mini-rok

Teks: Joh. Pletzers

Meziek: M. Everaarts

Tant Sjana deit aon de mode mèt,  
is vaan de slaanke lijn  
't Is sjus e meitske vaan 't ballet,  
dat proonk met häör sjoen bein  
Ze dreug noe unne mini-rok,  
tot wiet bove de knee  
Zit met e popart klèidsje aon,  
in háore stamkaffee.

Refrein:

Met e mini, mini, mini, mini, rökske  
Aon de bar, bar, bar, bar, bar op e hoeg krökske  
Zit tant Sjana noe en daan  
Gèine snap mie get te vaan  
Met de minirok tot bove de knee  
zit tant Sjana op un krök in unne kaffee  
Met de minirok tot bove de knee  
Zit tant Sjana op un krök in unne kaffee.

## Mien bedje...

Teks: Sjaak van Heyster

Waat meej is overkome dat snap ik nag ni god  
Ik bin na hoes geloepe, mit koorst al in mien blood  
Toen ik na bed woy goan. Bleef daat ding ni stil mier stoan.

Refrein:

Ik heb mien bedje gisteraovend toch zoê gek gezeen.  
Waat ik ôk probeerde, ik kos der nimmer in.  
't Dreide veur mien oege, hield hard in 't rond.  
As ik 't pakke woj, da zoot ik op de groond.



DOE BIS MIENE INGEL



## Doe bis miene ingel

Teks: Gebr. Nieskens

Meziek: Johnny Helmstrijd

Doe höbs geine bontjas, en gein zeeve heut  
 Doe höbs geine auto, en nieks aan de veut  
 Doe höbs gein juweele, of sjmink in 't gezich  
 Doe höbs geine vriejer, noe loester nao mich.

Refrein:

Doe bös miene ingel,  
 Doe bös de sjat van mich  
 Doe bös miene sjnoebel  
 Ich bön zo gek op dich

Doe bös miene ingel  
 Doe bös de sjat van mich  
 Ich bön zo knetter, knetter, knettergek op dich.

Doe kins gaar neet sjanse  
 Dat duisse verkeerd  
 Doe knips maar ein uigske  
 Den geit 't gesjmeerd  
 Doe wits nieks van jonges  
 Die sjtaon dich neet aan  
 Doe dinks bij dien eige  
 De vriejheid veuraan.  
 Refrein:



NOE GOOI DICH MER ENS DROET

## Noe gooi dich mer ens droet

Teks en meziek: Mevr. Toutje Driesse

De vastelovend dae is weer aan de gang  
drom zet 't masker noe mer op  
en wae noe toch nog get te zeivere haet  
dae is neet good in ziene kop.

Refrein:

Noe gaoi dich mer ens droet  
en spreng mer tot 't kraakt  
zoalang nog oze prins regeert  
dat is mer ens in 't jaor  
drom staon ver allemaol klaor  
want alles is gepermiteerd.

## Schlager 1957

Teks: J. Poell

Meziek: J. Cuypers

De kop vol meziek, et hert oeterein,  
En door'weg de kriebel, de kriebel in de bein  
De spaarkas gelüchtj, et geldj naogeteldj  
De vrouw gooiendaag, dao kömtj et geweldj,  
En zeen die daag dao, ocherm waat ei waer  
Dao laef ich noe veur, ich zèng toch zoa gaer:

Refrein:

Det zeen die drie dul daag weer sjout,  
Ich doon, ich doon wie eederein,  
In Limburg zeen wer neet van hout,  
Ze kriege, ze kriegten ós neet klein!  
En noe (fuut-fuut) den tuureluut begós  
Wer zeen toch onger ós!  
En noe (fuut-fufut) den tuureluut begós  
Wer zeen toch onger ós!

Drie daag ging ich draan, toen woor ich de man,  
Want Limburg is mie landj, dao haoj ich toch zoa van,  
De kat is noe weg, de kater is dao,  
De vrouw is de baas en ich zèk mer jao  
De cente zeen op, de kirmes is oet  
Toch zèng ich volop, want det geitj neet droet:  
Refrein:



DE BOK JUBILEERT

## De bok jubileert

Teks en meziek: Mevr. Driessen-Kock

De gekke daag die zin weer aan de gang  
Van kletsboem en sjingderasasa  
De Steinder Bök die hauwe van feesterie  
Maar dit jaor kumt 't puntje op de i....

Refrein:

Dao geit zoane kri-kra-kriebel door mich heen  
Jonges jonges jonges wat is los  
't Is dat de Bök tweemaal ellef jaor bestaon  
Drom dat ich neet stil blieve koos  
Prins Sjera deit noe ei beroop op uch  
omdat hê dit jaor regeert  
Doot noe allemaol zonger dwenge:  
Drie daag lache, boemele, zenge,  
Want de Steinder Bok dè jubileert.  
Doot noe allemaol zonger dwenge:  
Drie daag lache, boemele, zenge,  
Want de Steinder Bok dè jubileert.

't Bokkeriek, 't hertje van plezeer  
Zorgt veur spas en veur gezellige sfeer  
en es veer strak dan weer op hoes aan gaon  
dan zenge veer allemaol gans voldaan:  
Refrein:

## 't Nissjeke

Teks: Anny van Loo

Meziek: Math. Everaerts

Umtot 't Vastelaovend is,  
heet Lieske zoen gooi zin!  
Ze is van kop tot tien verkleid  
zoe tot häör geine kin.  
Ze lach en gek met eederein  
en raoj ins wat ze zeet,  
Es ze Sjo of Sjeng en Sjang  
ins flink te pakke heet:

Refrein:

Ich bin e nissjeke,  
e nissjeke vaan diech.  
Mêh jong, dat wêts te toch,  
de liekens vâöl op miech.  
Ich bin die nissjeke,  
ich maak tiech gaar niks wies,  
Veer zien femielie al vaan in 't Paradies.





GEK MASKE

## Gek maske

Teks: Ph. Dumoulin

Meziek: D. de Pauw

Wie Sjeng mèt vastelaovend  
't Waor auch al gèt laat  
In opperbèste stumming  
Leep door de groete staat  
Woort heer in ins besproonge  
Door e lake mèt e sloop  
Dar häöm toen aan zien oer zag  
'Ik puun jou overhoop!'  
Sjeng drejde ziech gaw um  
En dach, verrèk die stum....

Refrein:

Gèk maske, iech höb diech mie gezeen  
Gèk maske tot iech dat noe verdeen.  
Dich bis deen ingel, boe'ch vaan wakker ligk  
Diech bis dat stök, diech bis dee krentemik.  
Gek maske geef noe mer tòw,  
Es iech miech good rappeleer  
Auch nao twintig glaser beer  
Bis diech, bis diech mien vrouw.

## Vastelaovesleedje

Teks: J. Drabbels

Meziek: Der Wandersmann

't Laeve bringtj väälnarigheid  
Vääln leef mer naog mië leid.  
Wae zètte alle zörg opzie  
Es 't nao vastelaovendj geitj. Falderie - faldera

En kumtj de karneval in zicht  
Numptj den ein good besjloet:  
Hoëltj allemaol van groet toet klein  
't Vastelaovespekske oet.

Sjloetj uch aan bie de Raod van Elf  
Die make väälnplezeer,  
Van 'sjmörges vreug toet 'saoves laat  
Bie Flessebaer zin beer.

Laotj de glaeskes neet vol sjtaon,  
Mer laotj ze auch neet laeg.  
Gae dootj os noëts neet gek genogt,  
Dus gaeftj 'm mer ein vaeg!

En hangtj gae nao drie drökke daag

't Pekske inne kast,  
Zegktj den mer: toet 't volgendj jaor.  
Es 't uch dn naog mer pasjtj!



UT MASJORÈTSJE.

## Ut Masjorètsje

Teks: J. Pletzers

Meziek: D. de Pauw

Marjo die wèlt zoe gaere  
 Met häör kwiek model  
 Veur 'n hermenie marsjeere  
 Now now dat kin ze wel.  
 En mèt de vastelaovend  
 Presenteert ze kier op kier  
 Häör allerleefste snuutske  
 Jao jao ze is e lekker dier.

Refrein:

Marjo, marjo, die brink Mestreech vaan d'n apropo  
 Marjo, marjo, dat is e masjorètsje a gogo  
 Marjo, marjo, die brink Mestreech vaan d'n apropo  
 Marjo, marjo, dat is e masjorètsje a gogo.

## Schlager 1968

Teks: O. Cuijpers-Jansen

Ich bön gekösjtj wie ich deeze nacht  
 Nao hoes toch bön gegaon,  
 Ich deej mien auge toe en leet  
 Hem sjtilkes mer begaon.  
 Mer toen ich nao ein tiedje keek  
 Toen haaj ich waal vaöl pech:  
 Dao waas gein mins miëe oppe sjtraot  
 En mien hertje det waas weg!

Refrein:


Waem, waem, waem?  
 Waem, waem, waem, waem hiëet mien hert gepiktj?  
 Waem, waem, waem, waem hiëet 'm det gefliktj?  
 Noe mot ich eederein dae ich tiëenge kom waal kösse,  
 Want de deef dae zitj dao vast en zeker tösse!  
 Waem, waem, waem, waem hiëet mien hert gepiktj?  
 Waem, waem, waem, waem hiëet 'm det gefliktj?  
 Noe zuk ich links, noe zeuk ich rechts vol gooje mood,  
 Want och, det kösse, kösse, kösse duitj toch good!

Ich hōb mien hert verloëere  
 En ich vroog aan eeder raod:  
 Waem hiëet mien hert gesjtoëele  
 Deez nacht toch oppe sjtraot?  
 Ich kan toch zeker zonger hertje  
 Neet miëe heives gaon!  
 Och wist ich toch, och wist ich toch  
 Waem hiëet det noe gedaon?

Refrein:



DE DIKKE ZJIEM



## De dikke sjiem

Teks en meziek: v. Deurse Blenco

De moneka, de saksefoon, de bas en de trompet  
 Die hobbe veur miech aofgedoon, goeij die mer in de got  
 De klarinet, de bombardon, de tuba en de truit  
 Die blaoze miech gewoen nao bed  
 Daorveur veul iech gein fluit  
 Ze bloze wel veur zes  
 En doen wel good hun bes.

Refrein:

Meh t sjoenste klink de dikke dikke zjiem  
 de dikke, dikke zjiem, de dikke dikke zjiem.  
 Soms howt deej vent zoe lekker hel,  
 Dan geit heer beinao door ut vel.  
 Jao t sjoenste klink de dikke, dikke zjiem  
 De dikke, dikke zjiem, de dikke dikke zjiem  
 t Feinste zien die oerhel sleeg  
 Kom jonges, geef 'm unne veeg.



ALTIED MER DOORGOON

## Altied mer doorgoon

Teks: H. Loontjes

Meziek: H. de Pauw

Veer weure hoonderd jaor, veer allemaol  
 Zèts tiech e dröpke klaor, es iech 't haol?  
 Es veer zoe doorgoon, wie v'r bezig zien  
 Zien veer mèt hoonderd nog wie negetien.  
 Veer weure hoonderd jaor, veer allemaol  
 Zèts tiech e dröpke klaor es iech 't haol  
 Es veer mèr doorgaan, altied doorgoon  
 Daan höbbe veer nog hoonderd jaor plezeer.

Refrein:

Tant Lieza die is negetig  
 Dat vind ze èrreg joonk  
 Ze is nog vief en levetig  
 En hèlt hiel vääöl vaan noonk  
 Es iech häör vraog, wie lap geer dat toch tant?  
 Zeet zij, mèr doorgaan, mèr doorgaan,  
 Daan is niks aan de hand.

## Det slökske en det muulke

Teks en meziek: Mevr. Cuypers-Jansen

Kiektj mer eins noa oeëze Toeën,  
 Dae es echt zoeë joonk neet meer,  
 Mer nieesse dueet hae neet,  
 En zörg hieet hae neet,  
 Hae laeftj zun laeve met plezeer.

Refrein:

Hae drinktj zoe gaer un slökske noow en dan,  
 Zueet hae un glaske of un fleske stoon.  
 Hae gueeftj zoe gaer un muulke noow en dan  
 Zueet hae und maegdje of un vrouwke gaon.  
 Joa det slökske,  
 En det muulke,  
 Doa profetieertj hae van.  
 Van det slökske,  
 En det muulke,  
 Zoeelang hae potvertieere kan!

Dootj mer eins as oeëze oeëme Toeën,  
 En deentj auch eins aan plezeer,  
 Mer nieesse moo-jei neet,  
 En zörg maaktj uch neet,  
 Vae laeve toch mer eine kieer.  
 Refrein:





DREI-J DAAG STOP

## Drei-j daag stop

Meziek: Mevr. Cuypers-Janssen

Of ut merge, of middig of oavundj es,  
doe kieke vae neet noa,  
As ut in Wieert vastenoavundj es,  
Dan zeen vae allemoal doe.

Refrein:

De waereldj en de klok,  
Zette vae drei-j daag stop.  
De cente en de mood,  
Zeen noe di-j drei-j daag op,  
Dan drei-dj de waereldj van eiges weer doeër,  
En de klok di-j drei-je wae op,  
Dan drei-dj de waereldj van eiges weer doeër,  
En de klok, di-j drei-je vae op.

Hieel ut joar wete vae wul wat werke es,  
Kom bleeftj noow neet doe stoan,  
As straks asgoonsdug gekeome es,  
Esj veur ein joar wieer gedoan.  
Refrein:

## De Spoetnik

Teks: H. Kusters

Meziek: Joos Bouwens

Het lève is eine heksetoer  
De eine hilt d'ander in de loer  
Vint van os eine ins get oet  
Brink lève in de boet.

Refrein:

Loat ze mer vleège  
Loat ze mer goan  
De Wêreld omsingele  
Mit kunstmaone pingele  
De Spoetnik leët os kauwt  
Het is Spjauwbik wo ich van hauwt.

De ganze welt dèe is poepekas  
Behalve krèk mit de carnaval  
Dat deit os allemaol ins good  
Zit Spjauwbik in het blood.  
Refrein:

Veer hubbe lak aan dèe peperkook  
Al schjeure veer os auch de brook  
Dan allein mit de Carnaval

Dèe stjeit hie bovenal.  
Refrein:

## Baeker vastenaivent

Teks: Sjef Nijsten

Baeker minirokskesmaedjes pjwenne maxi  
 es mer get te pjwenne vult.  
 Ze flaneere door de sjtroate  
 en euge noa de maskers  
 Dat moage ze van de mam  
 omdat 't drie daag vastenaivent is  
 Dat moage ze van de pap  
 omdat 't drie daag vastenaivent is.

Refrein:

Vastenaivent, vastenaivent, vastenaivent  
 door oos Baeker sjtroate  
 Vastenaivent, vastenaivent, vastenaivent  
 mit oos pottentoate  
 Kaffee in en kaffee oet  
 Kaffee oet en kaffee in.  
 Veer trampele door de klawwe  
 van Sjpaans tot aan de meule  
 Veer loape zig, veer loape zag  
 zig zag door de sjtroate  
 driemaal zag en driemaal zig  
 de maedjes sjpringe zig, de jonges sjpringe zag  
 Saame zig en saame zag  
 Veer toffele door de koele  
 van de Platsj tot aan de sjtaasse  
 Veer dringke beer, veer dringke eils  
 Eils mit kluntjes, beer mit sjoem  
 Frit mit moster, frit mit woorsj.  
 Driemoal allewel veur de carnaval  
 Baeker carnaval alaaf.

Baeker pottentoatejonges vrieje maxi  
 es mer get te vriejen is  
 Ze pereere in hun pekskes  
 en sjar'le mit de maedjes  
 Dat moage ze van de prins  
 omdat 't drie daag vastenaivent is  
 Dat moage ze van de vorst  
 omdat 't drie daag vastenaivent is.  
 Refrein:

## Schlager 1969

Teks: J. Drabbels

Meziek: Pa wil niet in 't bad

Höbdj'r 't al vernomme  
In Hael waerdj sjtraks gezjwomme.  
Provinsie kocht de grondj  
Sjtraks bagkert men in 't rondj:  
't Waere allemaol gater  
Toet Daalzicht kumtj 't water  
Dus duuktj eeder gezin  
Dao vlot 't water in.

Refrein:

Allemaol in 't baad  
Hiël 't dörp waerdj naat  
En van vreug toet laat  
Is men dao paraat.  
Borst- en vlindersjlaag  
Maaktj men eed're daag,  
Mer oos groëtetst gelök  
Is zjwumme oppe rögk!

Höbdj 'r 't al vernomme  
In Hael waerdj sjtraks gezjomme.  
Sint Joep dat kriegtj ein bad  
Uëverdëktj wie in ein sjtad.  
Vanwaege 't konsielie  
Gaon de zösters in bikini  
Auch dao in 't bad,  
Want plaats is d'r jao zat.  
Refrein:

De psychiater en de pater  
Die gaon vlot te water,  
De jonges van de klas  
Die zjwumme d'r al ras.  
En kumtj 'r visite  
Men luëetj ze mèt geniete,  
't Bezeuk veultj zich dao thoes  
En wiltj neet miëe nao hoes.  
Refrein:

De vaders en de moeders  
De zösters en de broeders,  
De élite en de jeugd:  
't Zjwumme duitj häör deugd.  
En kumtj de Olympiade  
Den reutj men om genade:  
Medaalies goud en gael  
Die gaon den mèt nao Hael!  
Refrein:

## GELAEN WAGGELT



## GELAEN WAGGELT

## Gelaen waggelt

Drie daag vastelaovend  
 Hossen jeder aovend  
 Drie daag amuseren  
 Op Flaarisse maneerem  
 Waggelende daken  
 Oos sjtad begint te kraken  
 't Kump ervan, es 't effe kan  
 Veer gaon weer d'ran  
 Want

Refrein:  
 Gelaen waggelt  
 Dat brullen alle luuj  
 Alles sjteit te zengen  
 Gelaen waggelt  
 Is in ein gekke buuj  
 Alles sjteit te sjprengen.

't Is vanaovend  
 Vastelaovend  
 Gelaen waggelt  
 En sjteit noe op de kop  
 De Flaarisse veurop.

## Carnavalsschlager 1957

Meziek: J. Cuypers

De kop vol meziek, et hert oeterein,  
 En dooreweg de kriebel, de kriebel in de bein.  
 De spaarkas geluchtj, et geldj naogeteldj,  
 De vrouw gooiendaag, dao kömtj et geweldj.  
 En zeen die daag dao, ocherm waat e waer  
 Dao laef ich noe veur, ich zèng toch zoa gaer:

Refrein:  
 Dat zeen die drie dul daag weer sjout,  
 Ich doon, ich doon wie eederein.  
 In Limburg zeen wer neet van hout  
 Ze kriege, ze kriegem ós neet klein!  
 En noe (fuut-fuut!) den tuureluut begós  
 Wer zeen toch onger ós!

Drie daag ging ich draan, toen woor ich de man  
 Want Limburg is mie landj, dao haoj ich toch zoa van.  
 De kat is noe weg, de kater is dao  
 De vrouw is de baas en ich zèk mer jao.  
 De cente zeen op, de kirmes is oet  
 Toch zèng ich volop, want det geitj neet droet:  
 Refrein:





SJLOK NEET UMMER....

## Sjlok neet ummer

Teks en meziek: J. Savelkoul

Mien easjte leefde, dat is lang geleje  
En de tweade die is auch veurbiej  
Jao de driede hob ich neet gekrege  
En de veerde is gewore mien Marie

Refrein:

Sjlok neet ummer aan dezelfde, aan dezelfde bonbon  
Sjlok neet ummer aan dezelfde, aan dezelfde bonbon  
Sjei noe oet mit dat geleuter  
Want mesjien zeen die angere zeuter  
Sjlok neet ummer aan dezelfde, aan dezelfde bonbon.

## 't Carnevalsheudsje

T. Odekerken-Tilmans

Mien Mam h't tege mich gezag  
Sjat ammezeer dich goot  
Verkleij dich mèr en kop dich ouch  
eine jèlle gekke hood  
Dat hōp ich noe hie bin ich dan  
vink geer mich auch noe chic  
ich hoop dat ederein met Carneval  
ins nao mich kiek

Refrein:

Met de hood op de kop  
de sjtraote aaf en op,  
met Carneval in Meersje  
Café in café oet  
es eine herrejoet  
met Carneval in Meersje  
wat is het hie toch fijn  
Zwoi lekker oonderein  
met de hood op de kop  
de sjtraote aaf en op  
met Carneval in Meersje  
Pak eug bie de errem  
dan is 't lekker werrem  
met Carneval in Meersje

De hood dat is ein raar geval  
Heer pas op eedere kop  
probeer 't mèr, geluif mich toch  
of doot 't veur de mop  
Geer zult 't zeen ich hōp geliek  
't maak jèl zeker spas  
nao Carneval dan vluug her  
in de drekbak of de kas.

Refrein:



TRIM DIECH FIT

## Trim diech fit

Teks: J. Kortenray  
Meziek: Jaap Menten

Veer leeve gans verkierd  
Dou weurd te veul gevierd  
Veer moote minder rouke  
Meh wel get miejer loupe  
Iech hob e good resepe  
Dat hullep uuch direk....

Refrein:  
En trim diech noe mer fit  
Want diech bis ouch nog veuls te dik,  
En trim diech noe mer fit  
En trim diech noe mer fit  
Dat is good veur diene rikketik, en fit  
Dat is good veur diene rikketik.

## Es noe oos carnaval neet waor

Teks en meziek: Sjeng Habets

Veer houte van oos carnaval  
Die bliev os altied leef  
En komme die sjaon daag weer aan  
Dan geef 'm enne veeg  
De Limburger dae wos, wie heer daomit begos  
Folklore dat is get van os.

Refrein:  
Es noe os carnaval neet waor  
Wat hawe veer dan pech  
Wat kaom dan van de sjpas, humor  
In Limburg nog terech  
Veer houte van gezelligheid, en van enne gekke paaf  
En drie daag sjpringe veer  
En drie daag zinge veer  
Veur oze carnaval 'alaaf'.

Veer beware sjteeds os good humeur  
Zint zelde euversjtuur  
Al make ze os dein ouwe klaore  
Sjtrak nog ens zoa duur  
Veer zint gaar neet van hout  
Wat zaes dich sjattebout  
Drie daag sjlaon veer de koutelebout.  
Refrein:



ELF VAN ELF

## Elf van elf

L. Winters  
H. Verhagen

Riek en erm, jônk en ald  
Venlonaere, blief neet kald  
Sloet ôg aan, mit ôg vaan  
Bej ôzze jocus-haan.

Refrein:  
Elf van elf, sjprik vanzelf  
Kump eine joeksige tiëd  
As jocus-haan zien leedje kreit  
De greeke jao ten sjpiet  
En dan nog haet, ech venloos blood  
Dae strek ziene nek, en kreit ens good  
Nöw alle zörg opzie, och luu  
Kukeleku, kukeleku, kukeleku.

Weg mit zörg leef en leid  
Luuster waat dit haenke kreit  
Doot as ziet ge verruuk  
Dit oor kump nooit mier truuk.  
Refrein:

Allemaol, krei ens mei  
Klinke môet op straot en wei  
In café, zaal of hoes  
Tot baove op 't stadhoes.  
Refrein:

## Vaals

Teks: A. Habets

Worum sich neet verdrage  
Worum mer ommer klage  
Worum va anger luu me ommerdu beklatsjte saage  
Mach doch ens schlus, sonst kriest du eng gekleeft  
Da wees du nit worum, woveur doe hast geleefd

Refrein:  
Al is der himmel kluseschwarts, holahiaho  
Vuur hant de zon steeds in os hats, holahiaho  
Vuur danse en vuur spreng, en vuur zinge ose lit  
En wie vuur Volser seunt, zing ver allemole mit  
So seunt vuur en soe blief vuur, en dat nemmt os jenge aaf  
Vols os Vols alaaf.

Worum sich ummer enke  
Worum sich nit jet schenke

Worum va anger luu ma ummer schleats denke  
Mach doch ens halt, begin nog mol opnei  
Den die seconde van schun stonde seunt snel vorbei.  
Refrein:



VAE GAON NAO DE MAON



## Vae gaon nao de maon

Teks en meziek: P. Dentener en J. v.d. Velden

Dao leepe heej twee minse, met kwast en wandelstek,  
'n Visgoerd en 'nun eimer, dao in e stokske spek.  
Ut woore neet de slumste, det zoog ich aan eur hang  
Ze deeje niks as wieeze, ut deurdje eur te lang  
Ich vroeg woe gaoje op aaf, toen zagte ze alaaf...

Refrein:

Ut gieet uch good in Wieert, alaaf  
Vae gaon hoj, hoj, nao de maon, hoj, hoj  
U kaemerke behangen.  
Vae gaon, hoj, hoj, nao de maon, hoj, hoj  
Um paereke te vange.  
Vae kaome noow te voot van Kaevle aaf  
En woore altied braaf  
Vae gaon, hoj, hoj, nao de maon,  
Ut gieet uch good in Wieert, alaaf.

Di-je twee di-j lijeepe verder, ze haaje gooien aard,  
d'n ein ehaaj 'ne kletskop, dun ang're unne baard.  
Ze leepe ierst unne pas vuuroet  
en dan twee passe trök  
en soms dan droog d'n eine, d'n ang're op zonne rök!  
Ich vroeg: Woe gaoje op aaf?  
Toen zagte ze: Alaaf!  
Refrein:



BOE.... BOE.... BOE....

## Boe.. Boe.. Boe..

Teks en meziek: Desire de Pauw

Es te soms get zaat bis  
 En t auch al laat is  
 Zeukste get wat naat is  
 En wat oet t vaat is  
 En este zoeget gaar neet vins  
 Zing daan mer heller este kins.

Boe krijg iech nog e potsje beer?  
 Boe hob iech nog n oor plezeer?  
 Boe blijf iech es mestreechteneer?  
 Boe boe boe? Boe boe boe?

## 'n Alaaf veur oos dans-Marieke

Teks en meziek: Sjeng Habets

't Laeve is toch eigelik, wat m'er zelf van maak  
 En dee dat neet versjteit, dat dae geros mer sjtaak  
 In jeder minsjehart, ei bitje zannesjien  
 Dat is de beste laevesmillesien  
 En dae dat nog neet goed en wet  
 Geit met de hoonder mer nao bed.

Refrein:

'n Alaaf veur oos Marieke  
 Dat kendj deit aan alles mit  
 Geit lachend door 't laeve  
 En sjangeneert zich nit  
 Alaaf veur oos Marieke  
 't Sjteit zoa vas wie eine paol  
 Ze is veur zich zelf en ederein, enne zannesjtraol.

Wat hob ich aan enne vreigel of enne kankeraer  
 Dae gein begrip haet veur 't weurdje solidair  
 Dae nump zich mer ei veurbeeld aan zoa zonnig kendj  
 Hae 't laeve dan gans angesj vendj  
 Ei good humeur is mea es geld  
 Zoalang veer laeve op deez welt.  
 Refrein:



DOE HÖBS EIN KUULKE INNE KIN



## Doe höbs ein kuulke inne kin

Teks: Toon Nieskens

Meziek: Jan Hoks

De maedjes van os, die höbbe veul sjans  
 Ze knippe ein uigske en numme de kans  
 Ze weete van wante en zinge es maerels  
 Ze lakke de naegel en kieke nao kaerels  
 Ze zeen zo sjarmant en zeen neet verlaige  
 Ze bringe de mode bie zon en bie raige  
 Ze kinne rieje en ouch zo lekker vrieje:

Refrein:

Doe höbs ein kuulke inne kin doe lekker makkeltje,  
 doe höbs ein kuulke inne kin doe lekker mechelke  
 doe höbs ein kuulke inne kin doe makkeltje, doe mechelke,  
 doe höbs ein kuulke inne kin doe sjnuubelke van mich.

De maedjes van os, die zeen toch zo knap  
 Ze gaon mit de jonges van boete op sjtap.  
 Ze loupe zo deftig en lache zo lollig,  
 De sjlanke die dinke, och waas ich maar mollig.  
 Ze dinke aan zon, aan leefde en lente  
 Ze kieke nao aafloop mit pien nao de cente  
 Ze kinne danse en ouch zo lekker sjanse.

Refrein:



## Waat is mit ooze Sjera los

Teks: Thur Laudy

Meziek: Math Niël

Waat is mit ooze Sjera los,  
D'n erme jòng is krank,  
Hae it neit mee en drink neit mee,  
Noe al ei paar daag lank.  
Hae wurt zoo mager es ein lat,  
Es dat zoo door mòt gaon,  
Dan zeen ich ooze Sjera nog,  
Ochèrm de gaerd aaf gaon.

Refrein:

Mer heurt 'r boete 't geraos,  
Schnap hae zich gauw ein verkesblaos,  
En in 'ne wip vindj hae zien klik,  
Woo 'r drie daag mit te rölse lik,  
Want Vastelaovend maak 'r mit,  
Tot ziene allerlèste schnik,  
Want Vastelaovend maak 'r mit,  
Tot ziene lèste schnik.

Jao Greit hauw Sjera krank gemaak,  
't Zag h'm in 't gezich:  
't Is gedaon, ich maak 't aaf,  
Ich haut neit mee van dich.  
Begreep mer neit es dat 'm Greit,  
In èns zoo zitte leit,  
Mer noe 't vastelaovend is,  
Vergit hae weir zie leid.  
Refrein:

En löp 'r mit 'ne schlupjas ròndj,  
Of in eine boer verkleid;  
Dan dans 'r op 't wieverbal,  
Alweier èns mit zien Greit.  
't Kèndj lug 'm 't maske op,  
En ruij, dach ich 't neit,  
De vastelaovend Sjeer, en dich,  
Ug twee verlaot ich neit!



KAFFEE IN - KAFFEE OET!

## Kaffee in - kaffee oet!

Teks en meziek: Desiré de Pauw  
Bewérreking: Zjef Penders

Mèt karneval zit iech op nitele,  
daan begint 't miech te kietele.  
Geine hèlt miech daan nog trök!  
En iech zing mèt de deur op miene rök:

Refrein:  
Kaffee in - kaffee oet...!  
Mèt e trömke of 'n toet....!  
Es de wereld zal vergoon  
blijf hijj toch eine kaffee stoon!  
kaffee in - kaffee oet....!  
Mèt e trömke of 'n toet....!  
En zjus deen eine wie gezag,  
dee blijf daan ope daag en nach!

## Beerke o Beerke

Teks en meziek: P. Niesen

De lekkerste drank det is beerke,  
Det drink me bie idder plezeerke.  
't is good veur de dors, en 't is good veur de lol  
daorum doot de glazer nach mer eine kier vol.

Refrein:  
Beerke o beerke, waarom bûs doe zo lekker,  
Beerke o beerke, waarom bûs doe zo fein.  
Beerke o beerke ich haaj zo veûl van dich,  
Beerke o beerke, lang laeve ich en dich,  
Beerke o beerke, lang laeve ich en dich.

De Batavieren die dronke al beerke  
In de pruketied dronke ze beerke  
Mien groatvader, groatmoder, ome en tant,  
Die hadde aan Beerke heûr hertje verpand.  
Refrein:

Veur ein geoi stumming drinke veur Beerke,  
Det lûste veur idder keteerke.  
Veur lache en zinge en zien toch zo blie,  
Mer doe mien leef beerke bûs altied d'r bie.  
Refrein:



'T ZWÖMBAD

## 't Zwömbad

Teks: Cornel v. Kruchten

Meziek: Giel Ruyters

V'r kriege hie e zwömbad luuj,  
 Wae haw dat oeats gedach  
 Dao hobbe al die Sjinöster  
 Al jaore op gewach  
 V'r platsje in 't water rondj  
 En sjlaon mit erm en bein  
 Want zwömme is toch zoea gezondj  
 En zènge dit refrein

Refrein:

Veer gaon zwömme, zwömme, zwömme  
 In 't hömme, hömme, hömme  
 In 't zwömbad, oos eige zwömbad  
 Op de huuke, huuke, huuke,  
 En dan duke, duke, duke,  
 In 't zwömbad, oos eige zwömbad  
 Veer zwömme op de boek en op de rök  
 't Zwömbad einmaol aaf en dan weer trök  
 veer.... aaf en dan weer trök.

Veer hove net miea nao Gelaen  
 Dat is veurgood gedaon  
 En kenne in oos eige bad  
 Noe zwömme lieare gaon  
 De erm de bein de vlindersjlaag  
 Al vilt 't ach neet mit  
 Want zwömme is toch zao gezondj  
 't Hilt os jonk en fit  
 Refrein:



## VORSTE MARSCH

## Vorste marsch

Teks en meziek: Jo Leenhouts

Den uul dae is weer los  
 De gekke daag zeen weer begos  
 Zien volk is op de bein  
 Knul det woerd dich einen ongerein  
 Dao lop auch oo'ze vors,  
 Mit zien medalies op de bors.  
 Vastelaovend is der gaer allein,  
 Dan zaet zien vrouw, doe bos gemein  
 Remunsje vors, laot nao euch kieke  
 Veer make noe veur uch vriej baan  
 Remunsje vors en rare gekke  
 Jao die doon veul rare kal  
 Die blieve auch nog waal ins plekke  
 Daoveur is het carnaval.

## Winkbülle-wals

Teks: Wiel Stienstra  
 Meziek: Fons Ruwette

Winkbuule hont zich gevonge  
 Dan weëd wer va Heële gezonge  
 Ieësj nog e aadig durpke  
 En noe ing sjtaatse sjtad  
 Drum zingt et mit os oet  
 Al basjt de ganse boet

Refrein:  
 Geëf e muulke heej en doa  
 Loat gee inkel gleëske sjtoa  
 Vasteloavend vasteloavend is der sjoeëense tied van et joar  
 Ginne roeë op de neuëd  
 Allenuj neet op de dreuëd  
 Is mit vasteloavend vasteloavend gaanrensgee bezjwoar.

Kom os noe nieks mieë vertelle  
 Wat of allenuj is te gelle  
 Loester wat noe geet komme  
 Joa dat witste genug  
 Drum zingt et mit os oet  
 Al basjt de ganse boete

Refrein:  
 Doarum loat noe nog ens huure  
 Loat dich va ginne mieë sjtuure  
 Winkbuule nuj ig-gen errem  
 En sjokkelt uch good werm  
 Drum zingt et mit os oet

Al basjt de ganse boet.  
Refrein:



BIS NOE ENS LEEF

## Bis noe ens leef

Teks: Loe Maas

Meziek: Desiré de Pauw

Dao kump m'n tant Cornelia  
 Mèt heur knijnsvel um de nek  
 Mèt kouse vaan roeij begonia  
 'n Segrèt vaan zwoere sjèk.  
 Vaan achter liek ze veertien jaor  
 Vaan veur is ze antiek  
 Mèh dreug ze blumpkes in heur haor  
 Daan zingt ze hel en kwiek.

Refrein:

Bis noe ins leef ezzebleef, bis noe ens leef  
 Daan zal i ech diech verseere  
 Bis noe ens leef ezzebleef, bis noe ens leef  
 Dat hobs diech toch zoe geere  
 Oug iech vin dat zoe fijn,  
 Iech haw vaan ederein.

## Wat e kuuke!!

Teks: Wiel Knipa

Meziek: F. Ruwette

Zoetste vreuger in de klas  
 Haute dan neet opgepas  
 Keek d'r meester waal ins zoer  
 En heë zat dich aan de moer.

Refrein:

Ju-u-mig wat e kuuke  
 Dat heë dat nit kan  
 Ju-u-mig wat e kuuke  
 Deë wit doa nieks van  
 Vroag doe dich aan de mam  
 Ing zeeme botteram  
 Ju-u-mig wat e kuuke  
 Deë wit doa nieks van....

Zootste vreuger op ing bank  
 Mit ee meadje hank-in-hank  
 Keek dat kink dich gans leef aan  
 Mèr doe woas wie e sjtuk ies  
 Dan woeëd dat 't kink te gries  
 En 't zong al gouw dees wies....  
 Refrein:



## ALLEMAOL MASKES

## Allemaol Maskes

Teks: Loe Maas

Meziek: Desiré de Pauw

Ach, menier de fysiater,  
 iech hub las vaan iech weit neet wat  
 Drink iech beer of drink iech water  
 Ich veul miech kater en oug kat.  
 Zègk miech inser wat is dat?  
 Zègk miech inser wat is dat?

Refrein:

Iech zeen, iech zeen allemaol maskes, allemaol maskes,  
 euveral maskes.  
 En ze danse toch zoe'n raar ballet, zoe'n raar ballet, zoe'n raar ballet  
 Iech zeen, iech zeen allemaol maskes, allemaol maskes,  
 euveral maskes  
 En ze roope geiste mèt en ze roope geiste mèt.

Weurt 't 's aovends dèks get later  
 Zeen iech muiskes of 'ne knien  
 Mèh dan krieg iech in de gater  
 Dat 't allemaol maskes zien.  
 Zègk miech inser wat is dat?  
 Zègk miech inser wat is dat?  
 Refrein:

## Dat is de Sajs

Teks: Anny van Loo

Meziek: Jean Fey

Triene leep te prakkezeere  
 Jè wat kook ich noe vandaog  
 Broun boene hubbe veer zoe geere  
 Meh dat lik zwoer op de maog  
 In ins dao zaog ze unne  
 En die waore gooje koup  
 Ze koch toen veur e wöllemke  
 En kraog unne hiele houp.

Refrein:

Vaan die unne unne unne  
 heet us Triene sajs gemaak  
 En die unne unne unne  
 hubbe köstelik gesmaak.  
 En noe zeet deen erreme maan  
 Ich hub al drei daog las de vaan.  
 Vaan die unne unne unne  
 Iik ich noe op unne knap.  
 Dat heet miech

die unne sajs gelap - gelap.

## Oppe Ruiver, Oppe Ruiver

Teks en meziek van P. Niesen

Tüsse 't vaer en de Witte stein,  
 Tüsse Beesel en Ronkenstein  
 Dao lik oze gooie Ruiver.  
 Me maak d'r waal ens eine sjuiver  
 De maedjes zien mollig, merao zo gezondj.  
 Dao zien d'r zelfs bie van zo'n twae hongerd pondj.  
 Al is aog zo'n kiendje zo zwaor wie load,  
 Toch hûb ich um gaer oppe schoat.

Refrein:  
 Oppe Ruiver, oppe Ruiver,  
 Dao is 't laeve toch zo good.  
 Oppe Ruiver, oppe Ruiver,  
 Bie ein maedje met ech Ruivers blood.

Komp Geur nao Ruiver met bûs of trein,  
 Dink geur al drek waat is det hie fein,  
 Want Ruiver haet nette maedjes,  
 En nach van die dûûster paedjes.  
 Het laeve det is hie nag vol romantiek,  
 Hie kries ze ein mûlke as net nemes kiek.  
 Wilt geur det weten den kom ens gauw,  
 Den krieg Geur ein Ruiverse vrouw.  
 Refrein:

Komp geur van Zwame nao Ruiver toe,  
 Den zin dao nag waal ens de slaagbuim toe.  
 Den môt geur mer efkes wachte  
 Ein bietje gedûld betrachte  
 Mood haaje miens, hûb nach mer get haop,  
 Strakkes den geit d'r nach waal efkes aop.  
 En as g'r gelûk hûbt den kent geur mischien  
 Vanaovend nag vrie-e mêt Stien.  
 Refrein:

Zo'n ech Ruivers maedje det hêlt van mich,  
 Det kiendje det haet toch zo'n knap gezich.  
 Det kan toch zo lekker kûsse  
 Dao geit nag gen haor mier tûsse.  
 En zitte veur hie of dao in eine hook,  
 Of hael wiet e-weg in 't foekebrook,  
 Zin veur twea dao zo gans allein.  
 G'r gluif 't neet, mer det is toch zo fein.  
 Refrein:



KARNAVAL - KARNAVAL



## Karnaval - Karnaval

Teks: Gebr. Nieskens

Meziek: Johnny Helmstrijd

De karnaval dae is weer dao  
En gekke loupe gekke achternao  
Ein maske oppe naas, get sjmink in het gezich  
Ich loup wiej eine haas, noew loester ins nao mich.

Refrein:

Karnaval, karnaval, karnaval sjeit baovenaan  
Ederein, ederein, ederein dae geitj weer draan  
Knatsj boem, paaf, zo geit het ein, twee, drierj  
Jonk en aad dat sjeitj weer in de riej  
Karnaval, karnaval, karnaval sjeit baovenaan  
Ederein, ederein, ederein dae geitj weer draan  
Knatsj boem paaf, zo geit het ein, twee, drierj  
Limburg gooit de zorg weer aan ein ziej.

## 't Bagkerleedje

Teks: J. Drabbels

Meziek: Nicosia

Bagkermäöles male sjtraks in Hael en Panhael  
Woëe ich sjeelde eins es kindj  
Bagkertj men nao zandj en grintj.  
Bagkermäöles male sjtraks in Hael en Panhael  
En ze male grintj en zandj  
Väör oos ganse Nederlandj.

Refrein:

Bagge-baggeria  
Dao kumtj vööl water  
Bagge-baggeria  
Waat waerdj det later?

Bagkermäöles male sjtraks in Hael en Panhael  
Woëe wae vriedje handj in handj  
Valle ganse sjtökker landj.  
Bagkermäöles male sjtraks in Hael en Panhael  
Waat in iëeuwe is gebouwdj  
Waerdj nao elders weggesjouwdj.  
Refrein:

Bagkermäöles male sjtraks in Hael en Panhael  
Woëer ich ein maedje (jungske) höb gekösjtj  
Veul ich mich neet miëe gerösjtj.  
Bagkermäöles male sjtraks in Hael en Panhael  
Hiej en dao kumtj den ein brök  
Waat kumtj van oos landj terök?

Refrein:



'T MULKE



## 't Muilke

Teks: J. Pletzers

Meziek: Desiré de Pauw

Pie dee helt zoe vaan e muilke  
 Dao steit heer veur bekind  
 Wangskes met e lekker kuilke  
 Dat is veur haom 't ind  
 Heer pak haor bij 'n hand  
 En vraog daan hiel charmant....

Refrein:

Och geef miech toch ei muilke sjat  
 En laot diech toch 'ns goon  
 Dat maak miech ech gelökkig sjat  
 Kom laot miech noe neet stoon  
 Veur diech goon iech door dik en dun  
 Joa muilkes geve is gein zun!  
 Och geef miech toch ei muilke sjat  
 En loat diech toch 'ns goon!

*Ref.*

*vers*

VLEEGE MET JEANNETJE

## Vleege met Jeannetje

Teks en meziek: P. Dentener

Pier beej os naeve vurstieet zee vak,  
 Es rasecht inginjeur.  
 Want Pierke det hieet un raket gebouwd,  
 Beej vader in de scheur.  
 Hae heurdje zich u stökske grond,  
 Noow stieet ze in un wei-j.  
 En merrege zee-te, dan steig ich op,  
 Mice maedje neem ich mei-j!

Refrein:

Vleege met Jeannetje, vleege nao de maon.  
 Same in de wolke laote vae um gaon!  
 Vleege met Jeannetje, vleege nao de maon.  
 Same in de wolke laote vae um gaon!

Pier zieren raket di-j gebroekjt neet vól,  
 Hae stoeekjt met reubezaod.  
 Mer aaf en toow kraakjt ze en spöttert ze,  
 Dan krieegjt ze 't haost te kwaod.  
 Mer ondanks alles kumj-te straks,  
 Heej boeeve nog us doer.  
 En zee je ze same heej in de löcht,  
 Dan huurtje in u koeer:  
 Refrein:

## 't Uulke

Teks en meziek: Pierre Collard

Awt Gelaenders opgepas  
 D'n Uul begint te laeve  
 Noe begint de groatste sjpas  
 Wo veer ei jaor op laeve  
 De Uulle die wille zoa veul es 't kan  
 De zörg van uch beware bes dan.

Refrein:

Uulke, Uulke doe bes ei lekker deer  
 Uulke, Uulke doe höbs wat ich begeer  
 Uulke, Uulke doe deis 't ummer weer  
 Uulke, Uulke doe brings oos plezeer.

Ze sjtaon weer klaor, de Prins en Raod  
 wat kan oos nog gebeure  
 D'n Opperuul dae sjleit de maot  
 van 't Carnavals gebeure  
 Geer zeet dus leef luukes, d'n Uul veuraan  
 Sjleet geer uch d'rom allemaol achter zien vaan.  
 Refrein:





DICH KUNS MICH U BAERKE VANGE



## Dich kuns mich u baerke vange

Teks en meziek: J. v.d. Velden/P. Dentener

Ich haoj van dich, vol mieer as van 'n anger  
 Det zek ich dich, noow al den hieelen tied  
 Mer asze vreugs, woerum wachdje nog langer  
 Dan deenk ich zoe, misschien krieeg ich nog spieet.

Refrein:

Dich kuns mich u baerke vange asze wils gaon trouwe  
 Dich kuns mich u baerke vange, want det doon ich neet  
 Ich maak geine flater, det doon ver later  
 Zoelang vae nog vrijje, hebbe vae nog gein verdreet.

Ich wil mich noow vuurluipig nog net binge  
 Vae met oes twee zeen allebei nog gaaf  
 woerom mos tich, mich dan opeins gaon dwinge  
 Ich zek mer zoe, wacht dienen tied mer aaf.

Refrein:

## Karnavalsschlager 1972

Gein plaaetske in oos Limburgs landj  
 Gein stedje nog zo sjoon  
 Viert zo wie veer de karnaval  
 wo zo me zo get dóón  
 Der eine hilj van 3 daag sjpas  
 Dat is veur os gein sjport  
 Veur 'n echte swentibolder  
 is 3 maonjd te kort

Refrein:

Es me van de sjpas hiljd  
 En me hiljd van lol  
 Kump'ste vas en zeker  
 Oet 't lanjd van Swentibold  
 Zuus'te dek ei maedje  
 Denks waat is dat knap  
 dan kump dat heel zeker  
 Oet de waereldsjtad.





DICH BES MIEE PÔNGELKE

## Dich bes miee pöngelke

Teks: Jo v.d. Velden

Meziek: P. Dentener

Ich vroeg aon dich, woe gieeze haer  
Wacht us op mich, ich zeen dich gaer  
Wi-j se bleeft staon heb ich dit gauw bedachtj  
En vol leefdje gezachtj, schat

Refrein:

Dich bes miee pöngelke, mun lekker pöngelke  
Dich bes ut allerleefste maegdje waat ich kin  
Dich bes miee snoebelke, mun roebeldoebelke  
Met dich gaon ich plezeerig, de vastenaovund in.

Dich hebs mich knettergek gemaaktj  
En ich bin hieel van streek geraaktj  
Aaf en tow bin ich, finaal van de kaart  
Toch heb ich hieel gooien aard.

Refrein:

## Schlager 1956

Teks: H. Aben

Meziek: J. Cuypers

Es karneval kömtj in 't Limburgs landj,  
Den paktj awd en jónk zich op  
Ze trekke den de gekste kljer aan  
En ei mómbakkes euver de kop  
Want eederein wiltj get hoogers zeen  
Gedreugtj zich nao-van-handj,  
En eederein duitj zich anges veur  
En sprungtj ens gèr oet de bandj;

Refrein:

Mer in 't Pejer, Pejer Prinseriek,  
Zal neemes klage, jóng det is kemiek  
Weer gaon noe make, jao w'r make lol  
W'r pakke vas en haoje drie daag vol  
Weer gaon noe make, jao w'r make lol  
W'r pakke vas en haoje drie daag vol.

'ene Metselieër löptj es hertog rón dj  
Eine sjoester es beron  
'n Kenjermeid dreugtj 'ne jas van Bóntj  
En ze druimtj zich al mevrouw  
'ne Mienwinker zeuktj 't in de loch  
En tróktj zoa peske aan  
Zoa haet eeder zich get oetgezoch  
'n Hoon die krejt wie 'nen haan;

Refrein:



UT BELDERKE



## Ut belderke

Teks en meziek: P. Dentener/J. v.d. Velden

Dao woer hiee in vreuger tied  
 U belderke in de stad  
 Det leep heej van tied tot tied  
 Reclaam en zag dan wat  
 Det belderke haedje tiees  
 Hae kaldje van reldedel  
 En as dette wat te koup aan boeij  
 Dan ging dur ierst un bel

Refrein:

Ging de bel ringelingeling, doer de straote  
 Ging de bel ringelingeling doer de stad  
 Dan zag Tieske hieel gezaote  
 Dao es weer van alles wat  
 Kouptj uch paersvleis, verkes puutjes  
 Lekkere biefstok, kermenaaj  
 Hieerehoeze, apenuutjes  
 Of un abriekoeze vlaai.

Van allerlei soeert reclaam  
 Tes altieedde zelfdje kal  
 Ut hieef soms geine naam  
 Dun hanjel dae bleeftj bestaon  
 Mer soms es ut reldelbel  
 Tes noow nog precies wi-tj vreuger woor  
 Met Tieske en zun bel.

Refrein:

## Taar aan de brook

### Wijs: 'Rheinische Mädels'

Jef Spuizers

Oos Sjömmert is ei dörpke,  
dat lik ós aan et hart;  
de witte boerderiekes  
zin óngeróm getard.  
Zèts doe dich op et luifke  
mit riestevla en kook,  
dan mós te 's aoves oetgaon  
mit taar aan de brook.

Refrein:

Taarbreuk van Sjömmert  
zin veer groot en klein,  
zinge en springe  
gezèllig óngerein;  
viere Vastelaovend,  
houwe op die tróm;  
Taarbreuk van Sjömmert,  
tsjien-boem - ta-ra-bóm.

Oos Frenske waor ei jungske,  
dae hauw ei maedsje leef;  
doe zag er taenge Treeske:  
Hie bèn ich, estebleef.  
Ze ginge same wandele  
en in enne sjtille hook  
sjting Frenske häör te peune  
mit taar aan de brook.  
Refrein:

Noe zin die tórtelduufkes  
al jaore lank getrouwd;  
en dat haet Frens en Treeske  
gein ougeblick berouwd.  
Dao kaome auch vääł kinger,  
ein lik nog in den dook,  
mè zeve angere loupe  
mit taar aan de brook.  
Refrein:





GAEF DE PIEP MER AAN MERTE



## Gaef de piep mer aan merte

Teks en meziek: Dentener/v.d. Velden

Annemieke haaj unne vrijjer op de kop getiktj  
 Op de kop getiktj op de kop getiktj,  
 En dae haaj al hieel vól centjes van um ingepiktj,  
 Dae haaj al hieel wat ingepiktj.

Refrein:

Gaef de piep mer aan merte, Annemieke  
 Gaef de piep mer aan merte, Annemij  
 Gaef de piep mer aan merte, Annemieke  
 Want dan beste merge vreej.  
 Laot um gaon, laot um gaon  
 Want mèt dae gaon de centjes nao de maon.  
 Gaef de piep mer aan merte, Annemieke  
 Want dae zuut dich toch neet staon.

Annemieke woor oonnuuzel, haaj dae jong vertroewtj  
 Haaj dae jong vertroetj, haaj dae jong vertroetj  
 En ut haaj um aaf en tow wat in zun hang gedoetj  
 Ut haaj dae jong te zieer vertroetj.

Refrein:

Noow zeen al de centjes op en zit ut hieel allein  
 Soonger vrijjer, soonger leefdje, want rij haaj hae gein  
 En daorum zingt noow eederein.

Refrein:



NEET TE KINNE



## Neet te kinne


Teks: Toon Nieskens

Meziek: Johnny Helmstrijd

Mite ein maske of ein pekske  
 En get sjmink in het gezich  
 Vraag ich saoves aan ein maedje  
 Lekker jonk zek kins se mich

Refrein: nae

Neet te kinne, nae garoet neet  
 Kom hiej doe moogs mich beminne  
 Den bon ich drek van de kaart  
 Nae neet te kinne, nae nae garoet neet  
 Nae neet te kinne, kom hiej ich lek dich ins de baard.  
 Elke aovendj gaon ver same  
 Kwant op sjtap jao, doe en ich  
 En ich kniep den in dien wengske,  
 En ich vraag, zek kins se mich



ICH GAON MIT DICH OET

### Ich gaon mit dich oet

Teks: Toon Nieskens

Meziek: Toon Hendrickx

Ich gaon mit dich oet, vandaag of morge  
 Kom kiek mich ins aan, en duuj mich ins  
 Ich gaon mit dich oet vertel het nemes  
 Noew zèk mich ins gauw wie 's doe det vins  
 Noew zèk mich ins gauw wie 's doe det vins.

Ich haoj zo van dich, mit karnaval  
 Ben ich nog te klein, waat 's dat veur kal  
 'k Moog van mam geros mit dich op sjtap  
 Ein vraog nog, moogs doe moogs doe van pap  
 Ein vraog nog, moogs doe moogs doe van pap.



MOMMEGEK



## Mommegek

Teks: Gebr. Nieskens

Meziek: Johnny Helmstrijd

Vastenaovendj is weer in het landj  
 En alle gekke loupe handj in handj  
 Ein maske op die sjoet, in eeder handj ein toet  
 Al is de beurs auch laeg  
 Veer gaeven h'm ein vaeg.

Refrein:

Mommegek, mommegek mit dien raar gezich  
 Mommegek, mommegek, kom ens hiej bieje mich  
 Sjei toch oet mit sjanse  
 Laot os noew ins danse  
 Mommegek, mommegek, mit dien raar gezich  
 Mommegek, mommegek, kom ins hiej bieje mich  
 Ich wach al de ganse aovendj lang  
 Gaef mich ins ein muulke op mien wang.

Eederein dae duitj weer aeve gek  
 Men hingtj zich gauw van alles om de nek  
 Ein pekske aan het lief, es flares of aad wief  
 Ein maedje aan den erm  
 Want det is lekker werm.  
 Refrein:

## Sjannet

Teks: Anny v. Loo

Meziek: Math. Everaerts

Dao kump eus Sjannetteke,  
 die deit zoo geere met.  
 Ze zingk en kin sjoen danse,  
 Calypso en ballét.  
 Méh met de vastelaovend,  
 sprink ze vaan hot nao haar,  
 Veur alle hermenieje op,  
 of achter 'n fanfaar.  
 En eederein zingk mét dit sjoen koeplet:

Sjannet - Sjannet  
 Kom dans nog ins ballet  
 Ich zal diech auch trakteere  
 Achtrein aon 't buffet  
 Sjannet - Sjannet  
 En veer goon saame oet  
 en trekke daan 't Vriethof op  
 in 'nne rijjaloet.





DOE BÖS NEET GESJAORE



## Doe bos neet gesjaore

Teks: Gebr. Nieskens

Meziek: Johnny Helmstrijd

Doe bös knap en galant  
 Doe höbs veul duite en 'n sjlee  
 Doe bös leef en sjarmant  
 Doe höbs blauw auge maar owee

Refrein:

Doe bös neet gesjaore  
 Doe kriebels mien wang  
 Doe bös neet gesjaore, en daorom gank  
 Dae baard van dich dae is mich veul te lank.

Doe bös leuk en attent  
 Doe höbs veul sjproete, da's oke  
 Doe bös altied present  
 Doe höbs breij sjouwer, maa ojee.

Refrein:



ONGER DE PAEREBOUW

## Onger de paerebouw

Teks en meziek: J. v.d. Velden/P. Dentener

Dich zits te kieke, hieel allein  
 Ich krieg de kriebel in mun bein  
 Ich zeen dieen innug verlange  
 Kom vae gaon same get vange.

Refrein:

Onger de paerebouw  
 Dao kunse lekker kusse  
 Onger de paerebouw  
 Dao sjientj zoeë fijn de maon  
 Dao besse mien eppelke  
 Dao kuns se mien leefdje blusse  
 Onger de paerebouw  
 Dao zuut os nemus staon.

Ich zeen dich gaer zek kom us haej  
 Zet dich un beetje korter beej  
 Kunse neet wat van mich haoje  
 Of besse soms wat verkaoje  
 Refrein:

## Haut aan

Teks en meziek van Treeske

22 Jaor viere veer noe carnaval  
 Van harte zèt men euveral  
 't Weurt hie lekker knal  
 In Meersje kinne ze 't waal  
 Die goon noits vreug nao bèd  
 Koom blief neet zitte aan de kant  
 En doot noe allemaol mét.

Refrein:

Haut aan, Haut aan  
 Wat kinne veer hie anders doon  
 Haut aan, Haut aan  
 Nao drie daag is 't toch gedoon  
 Haut aan, Haut aan  
 In alle jèr en deug  
 Want eine echte Meersjenair (2x)  
 Weurt carnaval noits meug (2x).  
 Refrein:

De Prins dé is geweldig  
 Dé is dit jaor neet mis  
 Veur al wat hum te wachte schteit  
 Ze hebben zich neet vergis  
 De schteun krieg heer van allemaol

Dat vink hér zeker fijn  
Oos carneval die blif bestoon  
ze kriege oos neet klein.  
Refrein:

## Schlager 1970

Ozze Mam en ozze Papp,  
die zeen haos altied thoes,  
Allein mit Vastelaovend,  
zeen ze drie daag van hoes.

Refrein:  
Oei, joi, joi wat mot dat weare,  
Ai, jai, jai doert dat neet te lang?  
Veur ozze Mamma en veur ozze Pappa,  
make veer ons ja gaar neet bang.

Es Deensdig 's aovends laat nog,  
die twee nao hoes toe gaon,  
dan wurd ter zach gefluusterd,  
hun stum is nao de maon....  
Refrein:

## Mein Lied

Los vuur ens zinge op Lemiesch,  
Op ozze schönne carneval,  
Op Prinse en dansmariechere,  
en veur uuch in der saal.

Refrein:  
rof vuur alaaf,  
rof vuur alaaf, alaaf,  
rof vuur Lemiesch, alaaf.

Vuur seunt noe heej op carneval,  
deunt os mit uuch amusierte,  
los vuur 't zesame probiere,  
heej in os dörpche Lemiesch.  
Refrein:

## Mit Vasteloavend

Teks en meziek: Wiel Kniepa

D'r er-me Pap deë wirkt et gan-se joar  
 En 'soa-ves lik d'r er-me Pap-pa doa.  
 D'r Til-le-visie weëd aa-ge-zet.  
 Um elf oer geet d'r Pap och-èrm, va ië-lend noa ge bed.  
 Mar in-ne kier in 't joar,  
 Dan is d'r Pap-pa doa!

Refrein:

Mit vas-te loa-vend geet d'r Pap-pa oet.  
 Dan hilt em gin-ne mar ooch gin-ne in de boed.  
 Dan liët e zich neet kris-te-lië-re.  
 Dan get e Vas-te-loavend vie-re.  
 Dan hilt em gin-ne mar ooch gin-ne in de boed,  
 Mit Vas-te-loa-vend....  
 Mit Vas-te-loa-vend....  
 Mit Vas-te-loa-vend geet d'r Pap-pa oet.

De Mam och-èrm deed jië-ker weëk de wesj.  
 De in-keup sjlept ze in ing groë-te tesj.  
 Ze liës d'r Pap de wun-sje van d'r monk.  
 Mar 's oa-ves is de Mam och-èrm, zoë meug wie in-ne honk.  
 Mar in-ne kiër in 't joar  
 Dan is de Mam-ma doa.  
 Refrein:



DET WOOR OES WIEERT IN VREUGER TIED



## Det woor oes wieert in vreuger tied

Teks en meziek: P. Dentener

In vreuger jaor ewoor oes Wieert u stedje  
 Met stieegskus strötjes heej en dao un hoees  
 Lantaerepaol met gaas en haost gein stoepe  
 Gae zoogt nao elluf oere nog gein moees  
 De mieeste lepe toen dertieed op klompe  
 Di-j klatsje lekker op de ronde stein  
 De vröllie droge groeete baaije rokke  
 En zwerte sòk mit bingels um eur bein.

Refrein:

Ze oote hieel vól spek en kook  
 U tremke toetjet op den hook  
 Klats, klats, klats, klatsje klompe op de stein  
 Rits, rits, rits, rietsje rokke langs de bein  
 Toet, toet, toet, toetjet tremke op den hook  
 Det woor oes Wieert in vreuger tied met spek en kook.

De minse dronke vreuger groeete potte  
 Nao sloetingsoor dan woor dur vól kabaal  
 Woeen noow schoen hoeze staon dao stonge krotte  
 En heej en dao 'nu mesthoup vör schandaal  
 Daen tied dae bracht uch toen beslisj gein wieeldje  
 Toch woore doow de minse mer content  
 En neemus dae zich vreuger wat verbeeldje  
 Dat kos auch neet ze haaje geine cent.

Refrein:



LAOT DICH VÖR 'NE KIEER US LIJME



## Laot dich vor'ne kieer us lyme

Teks en meziek: P. Dentener

Gae wetj de battaviere  
 Dij hele van plezeer  
 Van vèsse en van jage  
 en groeete potte beer  
 ze dronke vól jenaever  
 en wore gauw content  
 Mer as ze bej de vrólle ezote  
 zong de ganse tent  
 zet dich wat korter beej  
 kom us effekes heej

Refrein:

Laot dich vör 'ne kieer us lijme  
 Laot dich vör 'ne kieer us gaon  
 Zet dich effe nieer, nof eine  
 Vuur vae straks nao hoees toow gaon  
 Laot dich vör 'ne kieer us lijme  
 Maak dich toch gein dikke bein  
 Want zoeelang, jao zoeelang as de plies neet kumtj  
 Make ze dur us nog gein.

Dao es nog niks vurangerdj  
 De brouwer bleeft bestoan  
 Allein det aojerwetse  
 Det hieft noew aafgedaon  
 Vae drinke nog jenaever  
 Dao es nog altied beer  
 En as ge beej u maegdje zeetj  
 Dan zekdje met plezeer  
 Zet dich wat korter beej  
 Kom us efkus heej  
 Refrein:



DEN OEEVAAR 1971



## Den oeevaar

Teks en meziek: P. Dentener

Dao stong unnen oee-e-vaar op dee-ze toeere  
 Dao stong unnen oee-e-vaar op eine poet  
 Ich kieek en zoog um staon  
 Waat hieef det bieest gedaon  
 Ich dacht op eins noow zit ich in de boet  
 Dao stong unnen oeevaar met lange nek  
 En alle flinke maegdjes woore stapelgek.

Refrein:

Voegel, leeve voegel  
 Waat hebs dich dao boeeve, op dae toeere toch gedaon  
 Voegel, leeve voegel  
 Ich dörf van aovudnj neet nao hoees te gaon.

Dao stong unnen oee-e-vaar op oee-ze toeere  
 Dao stong unnen oee-e-vaar op eine poet  
 Ich woor daen daag te voot,  
 Ut werktje op miee gemood  
 Ich krieg dur van de kriebel in mien blood  
 Dao stong unnen oee-e-vaar dun hieele daag  
 En ich haaj 'saovus ein groet stök in miene kraag  
 Refrein:



**[Miauw]**

MIAUW



## Op zaoterdag vreij

Teks: Anny van Loo

Meziek: P. Bex

Zaoterdays veur daag en dauw  
moot iech oet mie bed.  
Daan zeet mie vröwke ummertow  
hellep miech get met  
maak al mèr de koffie klaor,  
Sleip kemissies beij,  
Daan gaon iech effe veur mien haor  
Want diech höbs lekker vreij.

Refrein:

Daan moot iech wasse, daan moot iech sjrobbe,  
Daan weurd gewit en getappeseerd  
iech moot werreke wie e peerd,  
Noe kreig iech kweerte, noe kreig iech knobbe,  
Ach, iech haw 't neet mie beij,  
Heije veer friedags al mer vreij.

**Miauw**<sup>aant.</sup>

Teks en meziek: P. en Th. Dentener

Janus haaj 'ne kater  
 Mien die haaj 'n kat  
 Di-j zoote dek te vrijje  
 Beej Janus op ut plat  
 En haost eedren aovundj  
 Dan woor ut dao alaaf  
 Dan kwaom de kat van Mientje  
 Weer op dae kater aaf  
 Dan huurdje hae al gauw  
 tet smergus vreug miauw.

Refrein:

Miauw, miauw, miauw,  
 Wat hieef Janus met de kat van Wilhelmen gedaon  
 Miauw, miauw, miauw  
 Wat hieef Janus met de kat van Wilhelmen gedaon  
 Miauw, miauw, miauw  
 Hae kocht zich ei gewieer  
 Miktje eine kieer  
 En toen veel de kat van Wilhelmientje nieer  
 Waat hieef Janus met de kat van Wilhelmen gedaon  
 Miauw, miauw, miauw.

Wilhelmen kwoom vraoge  
 Woe is toch mien kat  
 Hej-jae ze soms zeen loupe  
 Ze zoot weer op eur plat  
 Mer dae sloome Janus  
 Dae hieef mer niks gezagd  
 Hae kocht un kat vur Mientje  
 De kater es geslachtj  
 Noow zeen ze man en vrouw  
 En huurdje nog miauw.  
 Refrein:



FIENI-MINI



### Fieni-mini

Teks: Joh. Pletzers

Meziek: Mathieu Everaarts

Fieni is ei meitske boe ederein vaan hêlt  
 Umdat zie zoe ierelik es goud is  
 Meh noe weurd van Fieni haos euveral vertèlt  
 Dat zie neet vaan stein en neet vaan hout is  
 Laot de luij mèr kletse  
 Ut keend dat is okee  
 Want Fieni dat dreug rôkskes  
 Tot wiet euver de knee.

Refrein:

Fieni deit neet aan mini,  
 Zie heet unnen hekel aon bikini  
 Fieni die vind maxi maximaol  
 De bikini un hiel groet sjendaol (2x).



OP OOS REEPERBAAN

## Op oos Reeperbaan

Teks: Jean Savelkoul

Meziek: Wim Teuns

Drie daag amuzeren  
jederein dae lach.  
Dames mit de Heren  
Dat is GELAEN bie nach.

Refrein:

En op oos Reeperbaan  
dao kôs 'n pilske nach-tarief.  
Eine gölje - alles inklusief.  
Op oos Reeperbaan  
Op oos Reeperbaan  
Eine gölje - alles inklusief.

Drênke veer nog eine  
dansen eine hit.  
Gaef nog eine kleine  
zèk kèndj wat drunks-te mit.  
Refrein:

Samen op ein krökske  
bie ein pötje beer.  
Sjtrieken langs 't rökske  
doe bès ein lekker deer.  
Refrein:

## De schnuits

Teks en meziek: Roep Lambriks

Es te bie et scheère  
E plekske euverschleis,  
Dan krieg-ste dao get haore  
Woa-ste nieks aan deis,  
Op dat plèetske onder 't nèèske  
Greujt dat haor wie graas.  
Kiek mèr in de schpeegel:  
E renschtuur onder de naas!

Refrein:

Laot tich mèr e schnurke schtaon,  
Dan kin-ste get beleève,  
Laot tich mèr e schnurke schtaon,  
't Geuf charme aan et leève.  
Laot tich mèr e schnurke schtaon,  
Dat maak tiech zoi plesant,  
Dan bis doe pas riechtig (bis)  
Vastenaovesklant. (bis)





DE PUINEBRÖK



## De puinebrök

Teks en meziek: Medam Hanssen

Eeder stad hiet ei monument  
 Det steit op hook of plein  
 Wai hoove dao veur net trûk te staon  
 Wai hubbe auch zoe ein.  
 Et is neet mechtig en neet groets  
 mer get sjoeners zoegste noets

Refrein:

Puinebrök ich zal dich noets vergaeite  
 Puinebrök, det moogste rustig weite  
 Bie windj en wair waas ich dao gair  
 En stong op ei heukse of zaat in et graas  
 Met ei maidje, dat 'mien leefste' waas....  
 En hub um dao werm aan mien hert gedruktj.  
 Aan de puinebrök.

Bie de brök waas oos Eurostrandj  
 wai zwomme dao op zandj,  
 wai zoege dao veul bloete bein  
 van minse groet en klein  
 Dao woere toen gein miniruk  
 Toch zaag men vleis met dikke bruk... Puinebrök  
 Refrein:

Bie die brök hubbe wai gevestj  
 Op zandjkrak en op snook,  
 Wai pakdje rutse mèt de henj  
 En baars met sjerpe tenj!  
 Van Vader möst dat in de pan...  
 Onger et sgrabbe zong hai dan:  
 Refrein:

**Vierde couplet zie volgende pagina <sup>aant.</sup>**



NOONK HAARIE VAAN KLEVAARIE



## Noonk Haarie vaan Klevaarie

Teks: Loe Maas

Meziek: Désiré de Pauw

Noonk Haarie noonk Haarie, dee maak get van z'ne jaan  
 Heer kleijt ziech met bombarie, en liek no op tant sjaan  
 Noonk Haarie noonk Haarie heet noe unne bietelkop  
 En veult zich op klevaarie unne echte tiene top.  
 Yeah, yeah, yeah, iech zek mer meh, meh, meh  
 Noonk Haarie dee is knatsj  
 En heer verteld allein mer kwatsj  
 En heer zingt: yeah, yeah, yeah, iech zek mer meh, meh, meh.  
 Noonk Haarie dee is knatsj  
 En heer verteld allein mer kwatsj.

## Vierde couplet De puinebrök

Jongheit geit zoe snel veurbie,  
 Men is soms gauw getrouwtj,  
 Toch dinktj men gair aan vreuger trök...  
 Niks hieet ös dan berouwdj!  
 En zuut men dao ei pairke staon,  
 Dinkste det hub ich dao ouch gedaon!  
 Refrein:



$2 \times 11 = 11$

## 2 × 11 is 11

Teks en meziek onger motto  $2 \times 11 = 11$

D'n uul dae viert noe jubilee hae is nog altied fit  
 't Veldjkepel en auch de sjtad, jao heel Remunj duit mit  
 Zoa komme veer dan einsgezin mit assele Goonsdaag thoos  
 As kakatoe en uulegek, en auch es aai veldj moes

Refrein:

Gooienaovend, vastelaovend |  
 Twee maol elf is elf |  
 Gooienaovend vastelaovend |  
 Det sjprik toch vanzelf |  
 Gooienaovend vastelaovend | Bis  
 Remunj sjteit op ziene kop |  
 Want de glazer all zeen vol |  
 En veer kriege noe weer lol |  
 Omdat 't nog lang gein twelf oere haet geslage. |

D'n uul dae haet ein sjnoterbel, dao kent d'r niks aan doon,  
 En es 't noe ens heel hel weit, vilt hem die op zien sjoon  
 Mer es 't vastelaovend is den waetd dae uul zo braaf  
 Dan rope de remundsje, vaeg dich die bel noe aaf.  
 Refrein:

## Het (b) engelke van de kloes

Es ein Sjoutvot aan de teake hingt  
 En zich dao ei pötje beer oet drink  
 Dan veult d'r zich ein 'èngelke'  
 En denk 'Ich ben ein 'Bèngelke'  
 En veult d'r zich hiej toes  
 Hiej, bieje osse aan de Kloes!

Refrein:

Dan wurd geschunkeld, mit jeder 'èngelke'  
 En neet gemunkeld, wie ein 'bèngelke'  
 Dan wurd gedanst, gespronge en geschanst (2x)  
 Alaaf

Es d'r later zon noch maon mea zuut  
 En Lei veur Sinterklaos aan zuut  
 H'm peunt es hae op heim aan geit  
 Mèr zien sjout nog neet betale deit  
 Dan zungt d'r 'Sjoutvotriek'  
 In Gelaen zien jongste wiek  
 Refrein:



IECH DANS ZOE GEER MET DIECH MERIE



## Iech dans zoe geer met diech Merie

Teks: Loe Maas

Meziek: Désiré de Pauw

Meitske zegk hels diech vaan danse  
 Hels tiech ei bitsje vaan sjanse  
 Bes tiech bei miech aon e good adres  
 Zorg iech sebiet veur de res.

Refrein:

Iech dans zoe geer met diech Merie  
 Jao de bis zoen lekker prij  
 De drejs en zwejs zoe fijn Merie  
 Tot iech gere met diech vrijj.  
 De maaks miech raddikaal van streek  
 Veur op zen mins 'n ganse week  
 Iech dans zoe geer met diech Merie,  
 Jao de bis zoen lekker prij.

Puun miech ens gaw dansenteere  
 Hoofs tiech toch neet te sjeneere  
 Iech laot tiech gaar neet mie goon Merie  
 Meitske wat wels te nog mie.

Refrein:



DE ZÖSTERSE AUW WIEVER!

## De Zösterse auw wiever!!

Waat woor toch oze karneval  
 Zonger de auw wiever!  
 Wae zuus te den op sjtraot en bal?  
 Dansende auw wiever!  
 Die sjpreng dich boeten aom.  
 En gaon dich aan dae baom!

Refrein:  
 Jonges, sjtaot dao neet zoa sjtief.  
 Sjnep uch noe zôn sjoaan auwt wief!  
 Zôn lekere trolala!  
 van je rie ra rôtsjkaka!

Ze kroepe bie dich oppe sjoaat  
 En drenke mit 'n reetje.  
 En minnige minsj dae lag zich doaad.  
 Mit op zien kneen zôn Greetje.  
 Mer later kump pas oet.  
 Z'n vrouw det woor die sjroet!  
 Refrein:

## ‘Trim mit ôs mit’

Teks: P. Debruijn-Fr. Quix  
 Meziek: Dhr. Hermans

Miene pap en mam zeen veurgelich  
 en zeen weer van de nuuje tied,  
 de pap dae trimt en roukt neet mea  
 de mam die haet al sjpiet.

Refrein:  
 Trim mit ôs mit!  
 Trim mit ôs mit!  
 de pap en mam doon mit,  
 Trim mit ôs mit  
 Trim mit ôs mit  
 Trim mit ôs mit  
 gans Gelaen dat wurd weer fit.

Miene pap dae le-ët de wage sjtaon  
 mam sjchuld dat ze te voot môet gaon,  
 miene broor dae deit mit ôs neet mit  
 mien zöster wirk zich fit.  
 Refrein:

In deze tied van Karnaval  
 Ieët jederein zich lekker gaon,  
 want ôs Gelaen dat blif besjtaon  
 es veer mèr trimme gaon.  
 Refrein: 2x





GELAEN DAT WURD EIN WAERELDSJTAD

## Gelaen dat wurd ein Waereldsjtad

Teks en meziek: J. Savelkoul

De grôatste gekke van Gelaen,  
Zeen eindellèk bei-ein.  
Ze numme zich 'De Flaarisse'  
En sjtaon vas op de bein.  
Ze hauwte noe de sjpas in hoes,  
De Raod krig ziene zin.

Gelaen dat wûrd ein waereldsjtad (bis)  
Veer hōbbe ein begin. (bis)

Veer kriege noe ein sjtadion,  
Veur twintig doezend man,  
En eine echte boelebaar,  
Jao, jao, Gelaen dat kan.  
En auch ein grôat konzertgeboew,  
Veer kriege ooze zin.

Gelaen dat wûrd ein waereldsjtad (bis)  
Veer hōbbe ein begin. (bis)

Veer sjtampe hoezer oet de grōndj,  
Gelaen dat geit veuroet,  
Hōb vir geine grondj genog,  
Dan mèr ein Roadbesjloet,  
't Is in het algemeen belang,  
De 'Koel' haet ziene zin.

Gelaen dat wûrd ein waereldsjtad (bis)  
Veer hōbbe ein begin. (bis)

Ocherm, de boere van Gelaen,  
Die sjtaon noe op de sjtraot.  
Die waere al hun lendjes kwiet,  
En lègke noe het lôad.  
Ze mótte noe het centrum oet,  
Ze hōbbe em noe in.

Gelaen dat wûrd ein waereldsjtad (bis)  
Veer hōbbe ein begin. (bis)



LAOT OS A EVE EINE GAEVE

## Laot os aeve eine gaeve

Teks en meziek: P. Barrois

Laot os noch ei göljeke vertaere  
 Laot os make get plezeer  
 Weer hubbe um toch nog zoa gaere  
 Dae borrel mit det glaeske beer

Refrein:  
 Daorum, daorum  
 Laot os aeve aeve aeve aeve aeve  
 Eine gaeve gaeve gaeve gaeve gaeve  
 Want 't laeve laeve laeve laeve laeve  
 Is noe eimaol veulste kort

Eine veur en eine nao 't aete  
 Krich ze uch mer mit de twee  
 Want ditte motj geer noots vergaete  
 Hiebaove krieg ver geine mee.  
 Refrein:

## Gaef mich zoan denk

Teks en meziek: Pierre Collard

Ich weit noch van vreuger missjien weat geer 't zelf  
 Toen hinge de ziele sjénk aan 't gewelf  
 En es ich nog dek aan dee tied nog denk  
 Dan gaef ich mien vrouw sjtil deze wenk.

Refrein:  
 Gaef mich zoan dénk (2x)  
 Gaef mich toch ein botram mit sjénk.  
 Zoan dénk dat deit mich good.  
 En :t geuf mich weer nuje mood.  
 Dus, gaef mich ein botram mit sjénk.

Kom ich ens bie Peatrus sjtoen ech veur zien deur  
 En vroag hea aan mich wo kums doe noe veur  
 Geluif mer dat ich mich neet lang dan bedenk  
 Dan zek ich 'Och Peatrus, gaef mich zoan denk'.  
 Refrein:

Drie daag goan veer allemoal same dropoet  
 Veer veule oos blie en loaten oos oet  
 Veer danse en sjpreng gaans oane beseij  
 Mer komme veer toes vroag' veer alleneij.  
 Refrein:

De Uule die trekke dropoet daag en nach.  
 Zie make geer sjpas en hauwte de lach.  
 Mer soms dan gebeurt 't auch zie zeen dan meuk

Zie knikke de kneeje tot dat de prins vreug,  
Refrein:



IECH HÖB 'T WEER

## Iech hob 't weer

Teks: Lou Maas

Meziek: Désiré de Pauw

Lewie, zag iech, wat is met diech.  
De deis toch zoe kemik  
Zegk, höbste soms al las vaan giech,  
Me heer zong, de bis getik. Want iech.

Iech höb iech höb, iech höb 't weer,  
In mien erm en in m'n bein, waahh  
Iech höb iech höb, iech höb 't weer,  
En 't deid garoets gein pein, waahh  
Iech höb iech höb, iech höb 't weer,  
't Kump eeder jaor opnuy, waahh  
Iech höb iech höb, iech höb 't weer,  
Kom dans toch m'n leef luij.

## D'r Sjoenkelwals

Teks en meziek: Wiel Knipa

Carnaval viere kans de dich liere,  
kans de dich liere va kinks aaf aa.  
Liks de nog werm beej de Mam oppen erm  
da liers de 't sjoenkele al!  
De ma die dee't dit,  
(me dees as weegt me e kink oppen erm)  
en doe, doe dees mit,  
doe zings en sjoenkels mit:

Refrein:

Kom, sjoenkel 'ns richtig, richtig, richtig, richtig mit  
't Is toch egaal, egaal, egaal, weën naëv diche zit....  
Want oad of jonk, krank of gezonk, alles deed mit  
Kom, sjoenkel 's richtig, richtig, richtig, richtig mit.

Biste te groeët vuur op der sjoeët,  
Zette ze dich óp e sjokkelpeëd.  
Doe sjnaps dich vas, en has wër dieng sjpas,  
in 't sjokkele bis de get weëd!  
't Peëd dat deed dit,  
(me deet es zeut me op e sjokkelpeëd)  
en doe, doe dees mit,  
doe zings en sjoenkels mit:  
Refrein:

Wen Carnaval is, uëveral bal is  
en gans de sjtad Vasteloavend viert,  
sjoenkels de mit, umdat ginne vergit  
dat wat he as kink had gelierd!

Gans Heële deet mit,  
(me kriet zich in d'r erm),  
en doe, doe dees mit,  
doe zings en sjoenkels mit:  
Refrein:



KOM MIT MICH NAO DANEKE

## Kom mit mich nao Daneke

Teks en meziek: Sjeng Habets

Wat waor dat ei wies raodsbesjloet  
 Gelaen te klein veer mootte d'roet  
 Dao woort nog waal aeve get gekald,  
 Euver dat schöne Daneker wald,  
 Toen mit enne flinke hamerklop,  
 Ooze burgervader zag sjtop.

Refrein:

Jong lik neet te zaneke  
 Kom mit mich nao Daneke  
 Dao mit al dat dennegreun  
 Wurd Gelaen nog ens zao 'schön'  
 Jong lik neet te zaneke  
 Kom mit mich nao Daneke  
 Dao baove in die bösch  
 Dao flöt de nachtegaal en aaf en toe 'n mösj.

Höbste noe herrie mit dien vrouw  
 Dan zekste leeve noe schwieg ens gauw  
 Denks dich dan gaaroet net mae truk  
 Wo veer schpeelde saam zao duk  
 Ich houw 't woord nog neet gezag  
 Toen zong ze mit 'ne lach.  
 Refrein:

## De Reube

En alles wat tevöl is kan noe weg door de riool  
 die slik de ganse duvel op al is 't zoane pool  
 w'r viere vastelaovend op 'n echte aw meneer  
 w'r zenge mit z'n alle van 1-2-3-4.

Refrein:

Haw t'm mer naat  
 alle drie de vastelaovesdaag  
 haw t'm mer naat  
 aug al höbste dan ei flink stök in dae kraag  
 want 'n reup die blif gezonjd  
 op ene vögtige öngergronjd  
 haw t'm mer naat  
 van de möрге tot 's aoves laat

D'n dreugste oet den dreugste krig de kribbel in z'n prie  
 de super-televisie nou dae sjuuf d'r op 'n zie  
 verkleit zich wie 'ne wilje oet die heel wiej heitte lenj  
 hae snap zich drek ei maedje mer haet ene manskael in de henj.  
 Refrein:



GELAENSE JUBILEUM-SJLAGER '52

## Gelaense jubileum-sjlager '52

Teks en meziek: Sjeng Habets

Dao zit v'r weer, dao sjtaon v'r weer  
 Veer gaon weer allemaol  
 De bonjte mötsj, de sjtuppe jas,  
 't Witte kammezaol.  
 De letste rumpel laeveszörg,  
 Gesjtreke oet 't gezich.  
 De Carneval die is weer dao  
 Maak ôs 't laeve lich.

Refrein:

't Is noe weer Carnaval  
 En de Flaaris jubeleert.  
 De ganse Waereldsjtad,  
 Is knatsjgek wie è paerd.  
 Nônk Sjang dae sjprunk dao ronjd  
 Wie 'nen aap op eine sjtek.  
 De ganse Waereldsjtad  
 Gelaen is sjtapelgek.

Veer wolle emigreren  
 En nao Australië gaon  
 Veer wollen 't prebeere  
 En hōbben 't neet gedaon,  
 Mesjien waor 't dao baeter  
 En veur ôs gaar neet sjlech,  
 Mer achterAAF bekeeke.  
 Koosj v'r oet Gelaen neet weg.  
 Refrein:

## Dao waor ins.....

Teks: Haarie Loontjens  
 Meziek: Désiré de Pauw

Dao waor ins ene bekker,  
 Dee waor liever luij es meuj,  
 Es-tee 'n oor mós stoon  
 Kraog heer al kweerte aon zien veuj.  
 Toen bakde heer 'ne maan en vrouw  
 Vaan peperkoken deig  
 En dach: lech laot die twie ins goon,  
 Wèdde dat iech hōllep krijg.

Rerfein:

Peperkoke vruike, peperkoke menneke  
 Samen op 't sjuike, vrijen aon 'n henneke.  
 Peperkoke vruike, peperkoke maan  
 Dao koume joechie jochie joechie falderaldera

Peperkoke kinder vaan!



Z'N LESTE HIT ES TRALALA

## Z'n leste hit es tralala

Teks en meziek: P. en Th. Dentener

Wie veer 't kinne haaje  
 Weit ich garoet neet  
 Alles is vurkaaje  
 Overal is keet.  
 De bekker en de sjlechter  
 Klage sjtein en bein  
 Mer eins per jaor dan kaam veer  
 Weer allemaol biee-jein  
 Dan is 't drie daag aaf  
 En zeet den uul alaaf.

Refrein:  
 Ooze bekker zit met tra-la-la-la-la,  
 Tra-la-la-la-la, tra-la-la-la-la.  
 En de sjlechter zit met tra-la-la-la-la.  
 Z'n leste hit es tra-la-la.

Waat det nog maag gaeve  
 Lek mig toch u maas  
 Maak wat van eur laeve  
 Gaef um nog wat gaas.  
 Dao kan os niks gebeure  
 Daorum zeen veer hieej  
 Zolang der wat te drinke is  
 Zolang zeen veer d'r bieej.  
 Ich maak de leste toer  
 Met bachus aan de roer.  
 Refrein:

## Nao vääre

Teks: Anny van Loo  
 Meziek: P. Bex

Es ze zoondag speule  
 wie iech höb gedach  
 sleip iech vieftig doezend gölde,  
 lekker in de wach.  
 En met vastelaovend koume die vaan pas,  
 Daan bin iech veur drei daog  
 oet d'n amberras.  
 Daan roop iech hiel rejaol

Refrein:  
 Nao vääre - Nao vääre  
 Dao kin us niks gebäöre  
 vraog ins wat die maskes drinke  
 en begin al mèt te sjinke.

Nao vääre - Nao vääre  
Dao kin us niks gebääre  
Kom, ober iech betaol  
E runsje veur us allemaol.



## DE BOEMAN

## De boeman

Teks en meziek: Toon Hendriks

De Haverbule viere,  
't tweemaol ellef jaor.  
Mit sjpas en sjaele brazel,  
ech wie 't vreuger waor.  
Daorum auch truk nao vreuger,  
nao kar en geitebok.  
Noe allemaol aan em,  
Van sjokke, sjokke, sjok.

Refrein: 2x  
Sjpan de bôk mèr veur de waage,  
laot 't beësjke mèr ins oet.  
En veer òs allenei verdraage,  
krieg vèr sjpas hie in de boet.

Zitterd haw zien Zefke,  
en Tienke van de Ven.  
Gelaen haw Zefke Sjlange,  
en nog get van die men.  
Mer veer hawwe de Boeman,  
kompleet mit geitebòk.  
Auw Munsterglaeners weite nog,  
Wie hae koom aangesjòk.  
Refrein: 2x.

## Carnaval

Teks: Mevr. Bouchoms

't Es carnaval, 't ès carnaval  
Zèk gèste met mich noa de bal  
Os reusge zit vuur aan de kant  
Joa dat lik toch veur de hand  
Vuur drinke os 'n gleiske beer  
En zènge dan soame weer...

Refrein:  
Ober schut nog mèr ens gaw 'n ien  
't Es zo-eine lekkere awwe wien  
Van de B.T.W. trek vuur os ger niks oan  
Want vuur goan toch noa de moan.  
Van de B.T.W. trek vuur os gaar niks oan  
Want huuj of mörge woen vuur op de moan (2x).

't Es carnaval, 't ès carnaval  
En uveral gemaskerd bal  
Vuur trekke doavuur same oet  
Met os remmelke en os toet  
Vuur sprengende dan op het muziek

En amusere 't gans publiek...  
Refrein:



'T ZIT WEER IN 'T BLOOD

## 't Zit weer in 't blood

Teks en meziek: Mevr. Troutje Driessen

De prins dae haet gezag komt gekke pakt uch noe bie ein  
want mit de carneval dan is toch alles op de bein  
dan drénke weer os toch ei stuk in oze retteketet  
en dae neet mit wilt doon dae geit nao bed.

Refrein:

't Zit weer in 't blood de carnavaal  
dao is mer ei recept wat helpe zal  
pakt uch noe mèr bie ein en zet de blomkes boete  
in dien handj ei glaas beer in 't angert get veur te toete  
want oze prins dae wet 't toch zwao good  
Dae zaet de carnavaal dae zit weer in 't blood.

't Ganse bokkeriek dat steit op stelte van plezeer  
dat haet de prins mit ziene wieze raod os waal geleerd  
want drie daag carneval dat deit toch eder minsj zo agood  
drom zengt noe allemaol mit gooie mood.

Refrein:

## En heur veer alleney

Teks: Thur Laudy

Meziek: Giel Laumen

Toch jeder jaor óm dezen tied,  
Höb veer mer eine winsj,  
Me heurt 't dan van wied en zied,  
Wae wurd noe ooze prins?  
En waat ei Zittesch maedje dènk,  
't Allereersch nao kik,  
Of sóms neit de verlovingsrènk,  
Al aan de vinger zit.

Refrein:

En heur veer allenei, allenei,  
Van wiets de pappegey, pappegey,  
Jao dan weit veer al waat kómme zal,  
Dao is 'Prins Carneval'.

Dae Prins, dae schlaon ich aan d'n haok,  
Zoo dènke t'r dan mee,  
Oos maedjes kómme aan de kaok,  
Wie golve op ein zee.  
Vertèld 't dan aan de pap,  
Dan zaet dae gans bedaard:  
'Zoo haet 't oug dien mam gelap,  
Goud kèndj waat nao heur aart!'

Refrein: aant.





DE MAON



## De maon

Vief, vere, drie, tweèje, ein nul  
 Wat möt dat mit dea flauwe kul  
 Zoalang de kloes blif sjtoan  
 Gaon veer neet nao de maon.  
 Vief, veer, drie, tweè, ein nul  
 Wat möt dat mit dae flauwe kul  
 Veer waere noats enen astronaut  
 Al höbbe veer de vot vol sjout.

Eesj ging alles te voot  
 Doe hauwe de luuj nog mood  
 Daonao kaom de fiets en 't vliegmesjien  
 Noe höbbe ze nao de maon al ein vaste lien  
 Me hilt 't neet meè bie  
 Me veer, veer blieve hiej.

## Derde couplet En heur veer alleney

En men'ge Prins zout in de foek,  
 Nog veur dat hae 't wós,  
 Van Kirkrao koum neit eine droet,  
 Vraogt dat aan die van ós.  
 D'róm maedjes sjpant mer èns de val,  
 Veer höbbe deeze winsj,  
 Ich weit neit of 't lökke zal,  
 Veur jeder eine Prins!  
 Refrein:







## Kom doch ens hij

Teks en meziek: J. Brouns

Mit karneval doe trof der Piet  
 Ee meëdsje a jen eng  
 Heë zaat doe, kom jank mit miech mit  
 Dan bin iech neet alling.  
 Ze trokke doe durch Kirechrao  
 Der Pieët mit zie Jrit  
 En went ze eëve blove sjtoa  
 Da zong der Piet 't lid:

Refrein:

Kom doch ens hij, en jef miech ens ee muulsje  
 Kom doch ens hij, en duij miech doch ens jod  
 Kom doch ens hij, doe bis mie lekker jruulsje  
 En los ins zieë wie dat i Kirchra omos  
 En los ins zieë wie dat i Kirchrao mos.

't Hat doe nit mieë lang jedoeërd  
 Ze woare man en vrouw  
 't Woeër och werm karneval  
 En oas wat jong dat jauw.  
 Ze trokke werm durch Kirechrao  
 Der Pieët mit zie Jrit  
 En went ze eeve blove sjtoa  
 Da zong der Piet 't lid:  
 Refrein:

## Valkeberg 1951

En bi de Bök in Valkeberg, dao ies 't vastelaovend  
 En bie de Bök in Valkeberg, dao ies 't karnaval  
 Alaaf, alaaf, alaaf  
 Noe sjeete veer weer aaf  
 Paaf paaf paaf  
 Veur Valkeberg alaaf.



## DE BOTERBLOM

## De boterblom

Meziek: Désiré de Pauw

Ze deit in boter, mëllek, kies en veerse eier  
 Rommedoekes en zoe mie  
 Ze hêt Maria-Petronella en zoe weijer  
 Meh veur miech is 't Merie enz.

Refrein:

Merie, dat is e woonder  
 e Woonder vaan e keend  
 Merie vaan bij us oonder  
 Is mèt alles good bedeend  
 En löp ze door us sträötsje  
 Daan dink iech hoe-la-la,  
 Dat is ei groffiäötsje  
 Dat is 'n dahlia  
 e Woonder vaan e keend  
 Merie dat is e woonder,  
 Merie dat is e stök  
 Ze heet twie pijlers wie de aw maosbrök.

In häöre winkel houwe manslui ziech de ötse  
 Veur 't hallef fleske rom  
 De mieste klante zulle waal gei mëllek löste  
 Mer allein veur de boterblom Merie enz.  
 Refrein:

## Valkeberg 1952

Vastelaovend, alle zurrege aan de kant  
 Vastelaovend, alle hoddele bie de hand  
 Eederein drink ziech e lekker pötsje beer  
 En maak zoi zien plezeer.  
 Alaaf, alaaf, alaaf de Mirleton.



SJEI OET



## Sjei oet

Wäörd: Annie van Loo

Meziek: Jean Kraft

Ze blieve lammetere en make ziech zoe drök  
 Mestreech had toch zoe geere, nog 'n dèrde Brök  
 'n Dèrde of 'n veerde, 'n brök euver de maos  
 'n Noorder of 'n zuider, allèh ze is t'r haos  
 Mèh haos is geine knien  
 Veer moote 't iers zien.

Refrein:

Sjeij oet sjeij oet sjeij oet mit prakkezere  
 Sjeij oet sjeij oet en laot hun mer geweere  
 Sjeij oet sjeij oet 't steit us gans geliek  
 Wee dat grepke moot betaole  
 De gemeente of 't riek.



CARNEVALSSCHLAGER 1970

## Carnavalsschlager 1970

Mèt Carneval dan hole veer de sjpölle oet de kas  
 Fein pekskes mè aug hoddele die kome goot van pas  
 't Geuf niks drum aug wè ste bès es 't mèr gekheid is  
 Mè soms vraog ich mich toch waal aaf wat 't veur mode is.

Refrein:  
 Is 't Maksie, is 't Minie  
 Bès te Lieske of soms Fienie  
 Ich wil mèt tich gèr sjpringe goon  
 nao drie daag is 't toch gedoon  
 Geis te mèt want ich traktee (2x)  
 op 'n dröpke of 'n gleiske beer (2x).

De Prins veurop mèt zien Prinses daou achter kump de Raod  
 De bonte stoet dè kump vanzelf aug kiekersch langs de straot  
 Koom hauwt noe aan is oos parool en zèk 'Hei, kom ins hie'  
 Mè wat mich dweersj zit raodjt gèr waal wat hōbbe ze um hun prie.  
 Refrein:

## O! Tini

Teks en meziek: P. Niesen

Wie Tini 18 jaor waas toe waas det zo'n lekker dink  
 't Waas schoan om te zeen  
 Wie of det danst en wie det sprink.  
 't kūsde toch zo lekker  
 En det deej 't gaar neet kwaod,  
 't doerde den och net heal lang,  
 Toe zong de ganse straot.

Refrein:  
 Ich vindj dich zo net in diene mini.  
 O Tini O Tini  
 't Allerschönste būs ze toch in de bikini.

Toe kwaam ein vraemd scholdötje,  
 Det vonj Tini toch zo fein,  
 Ze vriede zo gezellig,  
 Op ein bänkske naeve ein.  
 Wie zeej noa hoes toe lepe  
 Ging det netjes in de maot.  
 En met heal veul spiet in 't hert  
 Zong toe de ganse straot.  
 Refrein:

Ein good jaor later trouwde Tini  
 Met eine korperaol  
 Die kreges gauw ein kiendje  
 Mer det is ein heal verhaol  
 Det kiendje waerde later

Op zien beurt alweer scholdaot  
En oug bie deez gelaegenheid,  
Zong weer de ganse straot.  
Refrein:



## SCHING BOEMTARA

## Sching boemtara

Teks en meziek: Mevr. Troutje Driessen

Sching boe tara de carnaval dea is weer aan de gang  
drom zet 't masker noe mer op  
en wae noe toch nog get te zeivere haet  
Dae is neet good in ziene kop.

Refrein:

Vastelaovend, vastelaovend  
steit in Stein aan de kop  
want prins Harie ein, brungt alles op de bein  
dao verlaot uch mer op  
drom zeet vel gooie mood en ammuseert uch noe mer good  
De bok stekke van wal, want 't is weer carnaval.

## Schlager 1971

Teks: T. Odekerken-Tilman

Gaot geer mèt Vastelaovend  
aug altied gère oet  
en doot geer uch dan aug get aan  
es clown of herrejoet  
wat sjpitse veer oos op dit fjès  
eine ganse lange tied  
koom laote veer oos lekker gaon  
dan hōbbe veer geine sjpiet  
Veer zeen noe hie bieein  
en zinge dit Refrein,

Refrein:

Ach leve Kastelein wat zeen de glazer klein  
koom sjöt ze oos noch mèr ins vol  
veer hōbbe allemaol zwa ein lol  
en goon veer sjtrak nao hoes  
zwa errem es ein loes  
plezeer dat is de millesien  
en veer veulle gaar gein pien

Toen Bèr en Fieke ginge  
ins oet mèt Carneval  
Toen hawwe ze tersj jelvöl op  
en kregte 't aan de gal  
ach Bèrke leef zach Fieke  
ich kin der niks aan doon  
ver hawwte pin al mot ver op de zōkke  
nao hoes toe goon  
Toen klonk noch in de nach  
't Refrein dat geer verwach  
Refrein:





'T PRUUKSKE

## 't Pruukske

Wäörd: Loe Maas

Meziek: Désiré de Pauw

Höbste deks genog devaan  
 Dat e meitske reup 'Dag noonk'  
 Mopper neet verander daan  
 En weur weer sjoen en joonk  
 Dat deit gein zalf, dat deit gein pil  
 Geine smeer dee lekker ruuk  
 Dat deit allein, wat iech uuch vertel  
 e Hiel klein stökske pruuk.

Refrein:

Krollebollekopje, Sjoen Lewieke, sjoene jong.  
 Laot miech dich ens kaore sjat  
 Laot miech dich ens kaore sjat  
 Krollebollekopje, Sjoen Lewieke, sjoene jong  
 Laot miech diech ens kaore sjat  
 Dee nog gister 'n glibber had.

## Schlager 1959

Teks: J. Drabbels

Meziek: Zie de boerinnekes

De vastelaovestiêd is weer gekómme  
 Mèt Panhael en mèt Pol, make wae weer vääol lol.  
 Gein zoêr gezichte en auch neemes brômme  
 En eederein duitj mèt, van sjmörges toet in bèd.

Refrein:

Laot ze mer rolle, laot ze mer gaon  
 Mèt de sjpoetnik nao de maon.  
 Wae make laege en vääol plezeer  
 Mèt Sjaak en Math häör beer.

Oos Hael waerdj deftig noe mèt al ziên pleine,  
 De sjepeeltuon is ein pracht, det haaj men noëts verwachtj.  
 Toch hoove wae ôs daorôm niks te meine,  
 't Blijftj nog hiêl gewuëen: Biej Maan, Tant Tiën en Tuëen.  
 Refrein:

En begintj 't beer ôs auch eins get te drökke  
 't Löptj toch van allein, mer neemes tiënge de bein.  
 En kan de broêne 't auch neet miëe rökke  
 Toch geine wiltj nao hoê, auch net die vanne sjoês.  
 Refrein:

Zoëe zölle wae de vastelaovendj viere,  
 Wae zeen wie allemaol vrinj, 't is net ein groët gezin.

En d's Dinsdigsaoes is 't potvertiëere  
Den duitj 't ôs weer leid, es 't twellef oere sjleitj.  
Refrein:



KAPELLARIA 1968

## Kapellaria 1968

Teks: Th. Hermans

Meziek: P. Aben

Goatj alles aan de kantj,  
Doa is get aan de handj,  
De road van elf truktj op,  
Mit de hofkapel op kop.  
Waat konne die toch toete,  
De ganse doremifasol van boete.

Refrein:

Van toeteletoetoetoet  
van teuteleteuteuteut,  
Waat hoale die kaerels allemoal oet die treut.  
Tieën Peijer snake,  
Die kenne netjes krake,  
Echte Peijer snake,  
Det is oos hofkapel.

Ze gaeve 'm van katoen,  
En doon dit mit fatsoen,  
En eederein zungtj mit,  
Det haeltj zoa lekker fit.  
Auch zenge de kleinste poete,  
De ganse doremifasol van boete.  
Refrein:

## De Keutelbaek

Teks en meziek: Pierre Collard

In Haelder sjteit de lange Jan  
In Paris den Eifeltoare  
Awt Gelaen dat haet zien Keutelbaek  
Dao höb ich mien hart aan verlaore  
Dat baekske dat damp en dat baekske dat sjtink  
En wat ós dat baekske neet allemaol brink.

Refrein:

Keutelbaek, mit dien heël apaart odeurke  
Keutelbaek, wat höbs doe toch veur ei kleurke  
Keutelbaek, sóms get broen, maer meital sjwart  
Keutelbaek, doe baekske van mien hart.

In west dao is de Sjwentibolt  
In 't Centrum zit de Flaaris  
D'n Uul woont aan de Keutelbaek  
Dae ruuk de sop es ze gaar is  
Want es dae begint dan is 't non-sjtop  
Hae zét dan gans Awt Gelean op de kop.

Refrein:



DE PAP VAN ÔS WOOR ZWENTIBOLD!

## De pap van ôs woor Zwentibold

De pap van ôs woor Zwentibold  
 De mam ein graasboerin.  
 En weer zeen dao de kenjer vanne.  
 Alaaf, waat ei gezin!

Refrein:  
 Blauw is oos blood.  
 Onthat det noe mer good!  
 Want de graasburgers, alaaf.  
 Die sjtamme van ne keuning aaf!

Jao keuningskenjer det zeen weer.  
 En det is geinen droum.  
 Oos naobers hauwe nog velkes om.  
 Doe hauwe weer al sjtroom!  
 Refrein:

Dae Zwentibold det woor nen hëër!  
 Dae drônk en peûnde raak.  
 Toch hëbbe ze van dae man bienao.  
 Nnen heilige gemaak!  
 Refrein:

## Carnaval, dat vier vuur i Lemiesch, Lemiesch

### Melodie: Seo in Tag

Wenn der Elveroat, a jen tiek zo steet,  
 En se sunt an 't hevve, da wit me dat 't jeet,

Zonne daag, woa op me sich det freue,  
 Zonne daag, de jeet ze jauw veurbee.

Zonne daag, me kaan 't nit verheue,  
 Echermitwoch kunt noe hengeree.

Mer vuur jeunt noe karneval viere  
 En went der letste zent dra jeet.

Zonne daag, woa op me sich deet freue,  
 Zonne daag, de jeet ze jauw veurbee, veurbee.

Wenne vuur allemoale, vuur Lemiescher luuj,  
 Carneval heej viere, dan is dat veur os huuj.

Zonne daag, woa op me sich deet freue,  
 Zonne daag, dea jeet ze jauw veurbee.

Zonne daag me kaan 't nit verheue,  
 Eschermitwoch kunt noe hengeree.

Mer vuur jeunt noe carneval viere  
En went der letste zent dra jeet.

Zonne daag, woa op me sich deet freue,  
Zonne daag, jeung de mer nie veurbee, nie veurbee.



GANK OET DE WAEG

## Gank oet de waeg

Teks: Thieu v.d. Brock  
Meziek: Frits Bronneberg

Sjang, dae echte Zittesje sjnaak  
Gong verhoeze nao de Laak  
Mér 't doerde nog gein waek  
Ooze Sjang gouf eine kaek.

Refrein:  
Gank oet de waeg  
ich môt nao Zitterd  
gank oet de waeg  
haut mich neit vas  
gank oet de waeg (bis)  
ich môt nao Zitterd (bis)  
nao 't Stedje van lol en sjpas (bis).

Ouch dat echte Zittesje Lies  
wol zo gaer ens nao Paries  
mér dao waor gein Kötelbaek  
daorum reip Lies nao ein waek  
Refrein:

Baer ging trouwe mit zien Marlaen  
moosj gaon woone in Gelaen  
mér wit geer wat Baer al zag  
in de eesjte huweliksnach  
Refrein:

## Remunj

Os moder is zo bezorg veur heure kienjerkrink  
Os allein te laote vintj ze veul te link  
Haet de kleinste van de elf zien peutjes verbrantj  
Dan mot van mooderleef, eder jonk aan de kantj  
En dan rent ze wie eine maf nao de kroeg  
En reup dao op zien holles: 'Frens nou is 't genoeg'.

Refrein:  
Och mooder laot os toch mit rös  
Veer höbbe nog nooit zoan lekker maedje gekös  
Woraom motte veer noe al nao hoes toe goan.  
Veer hubbe aan de bar nog drie pilskes stoan.

Es jong van dertig jaor los Piet ein glaeske beer  
Hae drinkt en aaiehoort dan toet ein oer of veer  
Piet studeert al elf jaor van de cente van toes  
Allein mer daoveur kumt er in 't weekend nao hoes  
Mooder zeukt um steeds in de kroeg op  
Mit eine grote deigrol veur op ziene kop.  
Refrein:





DAAG LIEZEKE

## Daag Liezeke

Teks en meziek: Jo Leenhouts

Sjarel eine gooije knul  
 Waor get dek verleef,  
 Maakde altied flauwe kul  
 Haw herses wie ein zeef.  
 Zuut er dao ei maedje gaon  
 Waar get veur de jong  
 Dach toen, jao waat noe gedaon  
 En wits ze waat er zong:

Refrein:  
 Daag Liezeke, daag Liezeke |  
 Waat hōb ich dich misdoan |  
 Daag Liezeke, daag Liezeke |  
 Doe zuus mich gaar neet sjtaon. | bis  
 Daag Liezeke, daag Liezeke |  
 Ich zol zo gaer mit dich |  
 Same nao de maon toe gaon (2x) |  
 Es pap mich zie raketsje gif. (2x). |

## Menier d'n deender

Wäörd: Anny v. Loo

Meziek: Jean Fey

Met vastelaovend trok Lewie met An trop oet,  
 Verkleid met e wit laake aon, 'n rammel en 'n toet  
 Me aon de aw maosbrök, had Lewie 't um gesmeerd  
 't waor dao erg drök  
 daovaan had heer geprofiteerd  
 En An zaog 'nne deender stoon  
 en vraog häöm toen hiel leef:  
 Menier d'n deender  
 Mie Lewieke bin ich kwiet

Menier d'n deender  
 Ich zeuk häöm al d'n hiele tied  
 Ich loup de Cafe's in en oet  
 bloozenteere op mien toet  
 Menier d'n deender  
 Let noe toch 'ns effe op  
 Heer heet 'n kösteek op ziene kop  
 Es geer 'em zeet daan kint geer häöm direk  
 want mie Lewieke dee deit zoe gek.



SJENG

## Sjeng

Teks en meziek: Désiré de Pauw

Dee zaoterdig, dee zaoterdig, doa spits iech miech al op  
 Get kaarte bie e pötsje beer, 'n hemke in de sop  
 Dee zaoterdag, dee zaoterdag, de sjoenste daag van de week  
 Dan huur iech altied altied weer, einen hiel helle keek wijj

Sjeng de moos nog sjrobbe koon  
 Sjeng loat neet den aafwas stoon  
 Sjeng num diech 't lievend mét  
 Na de wasserèt, nao de wasserèt, wasse, wasserèt.

## D'r Lange Jan Marsj

Teks en meziek: Wiel Knipa

Paries hat ziene Eifeltoer,  
 I Kölle sjteet d'r Doom  
 In Brussel steet et menneke  
 En iemmieteert d'r Donausjtroom.  
 In Heële sjteet der Lange Jan  
 Te swame, daag en nach.  
 Woeë is deën miensj va Heële  
 Deë nog noets 'ns hat gezag:

Refrein:  
 Kiek 'ns doa  
 Kiek 'ns doa  
 Dao sjteet d'r Lange Jan!  
 Dat is d'r langste keël deë uëver Heële kiekke kan!  
 D'r Lange Jan kint jieëker kink.  
 Deë is jao graad ezoeë bekind wie ozze wink!

En went me lang is voet gewe,  
 En wilt óp heem agoa.  
 Da züt me, wied va Heële al  
 D'r Lange Jan gans mechtig stao,  
 Da sjteet he da wie inne vrunk,  
 Deë ummer óp dich wach,  
 Woeë is deë miensj va Heële  
 Deë nog noets 'ns hat gezach:  
 Refrein:

Al bouwt me zich in Heële óch  
 Et sjtuk of tien d'r beej,  
 En makt me dön, óch nóg zoe hoeëg  
 - Vuur mie paat, vieftig óp 'n reej -  
 Da blieft he tóch d'r Lange Jan  
 En dinks te an zien krach:  
 Wie mechtig dat he vreuger  
 Waor en wies te has gezach:

Refrein:



IN DE KOUJTS

## In de koujts

Teks: Loe Maas

Meziek: Désiré de Pauw

Iech kom mesjien, um hallef tien  
 Want iech haut zoe veul vaan diech  
 Och leef Marie, zag stroev'le Pie  
 Jao iech bin weg vaan dien geziech.  
 Meh de kreigs miech lekker toch neet in de koujts  
 Toch neet in de koujts, toch neet in de koujts  
 En of ste dat ouch nog zoe geere wojs  
 Iech ammezeer miech wel allein.

## Der Heêlesje Wink

Teks en meziek: Wiel Knipa

Ze zage va Heêle de luuj wuure sjtief,  
 De Winkbüll höjje gee blood in et lief.  
 Ze zage: I Heêle geet alles mit Wink,  
 Mar inne va Heêle zeeëd nieks en e dinkt:

Refrein:  
 Vuur mich geet op de ganse Welt,  
 Nieks boave der Heêlesje Wink,  
 Deë toesj ich neet vuur good of geld,  
 Dat ginne zich dat ooch mar dinkt.  
 Mie Hat dat bliet vuur Heêle sjloa,  
 Zoeëlang der Wink besjteet.  
 Want oane dea Wink, dea Heêlesje Wink (2x)  
 Is Heêle, Heêle neet. (2x).

Ze zage va Heêle de luuj wuure kaal,  
 Ze sjproake gee Heêlesj, dat wuur te banaal,  
 Ze zage en kalle en veule zich flink,  
 Mar inne va Heêle zeat nieks en e dinkt:  
 Refrein:

Ze zage van Heêle de meëdjies zunt fien,  
 De muulkes va dōn sjmake zuuver wie wien.  
 Dea doa noe en da ins ee sjluukske va drinkt,  
 Dea veult zich gelukkig en priest ozze Wink:  
 Refrein:

Der wink van os Heêle deë deed os nui good,  
 Zoeëlang dea bliet wy-je zoeëlang hont vier mood,  
 Os sjtad weeët ing Weltsjtad alling durch der Wink.  
 Der Winkbuul va Heêle is sjtols drop en zinkt:  
 Refrein:

## Vastelaovend

Jef Notermans

Noe brik de bonte störrer los,  
 Me huurt 'm brölle tot d'n Bos!  
 De straote zien hiel dik bevóllek,  
 Dao drejt de bende wie 'n kóllek.  
 Ze danse springe hoeg en lieg,  
 Wee kin vaan eelk 't ech geziech.  
 De stumme lieke op gekeek,  
 Zien ze vaan Heugem, Hier of Beek?  
 T'r duvel wèt dat, geer toch neet,  
 Want eder zingk z'n eige leed.  
 Ze raoze door de Groete Staat,  
 Vaan twéllef oor tot saoves laat.  
 Som sjuive ze de kaffees in,  
 Dao drink eineder en hêlt pin.  
 Daan vluig d'n trôp alweer nao boete,  
 Ze sjriewe kompleet wie sjroete.  
 Ouch huurste leedjes, aadj en nuij,  
 Ze goeje zich dedoor: èn Trijn èn Trui,  
 Mèt Pie, Lewie, Lerang en Sjang.  
 Die zinge zich 'n hèse stroot,  
 Als hadde ze zich vrijgeloot.  
 Boe geit de reis vaandaog nao tow?  
 Vraag dat aon Wöllem of z'n vrow.  
 D'n eine veult vâöl veur de Staar,  
 Dee is neet druug wie noe de knaar.  
 Of stump me hêl veur de Redout?  
 Dao sleiste soms der duvel doet.  
 Wie 't oetvêlt liet miech kaajd noch wérrem,  
 De leestes hawwe zich bei d'n érrem.  
 Daan weurt geduijt door Bèr en Fien,  
 'n sjoev raoj tot in 'ren tien!  
 Twie ore sleit 't op 't Stadhoes,  
 noe is 't toch wel tied veur thoës.  
 De maskes aof nao al dee zwèit,  
 Wee dink heij aon verdreet of leid?  
 Dao vink 't püne aon hiel laank,  
 Mèh, lekker zeut, oet leefd' en daank.  
 De stare stoon hoeg aon d'n hiemel,  
 Ze hóbbe lol mèt 'te karnevalsgewiemel.





DE BOAG KIN NEET GESCHPANNE ZIN



## De boag kin neet geschpanne zin

Teks en meziek: Roep Lambriks

Ei gans jaor langk, daag in daag oet,  
 Mot de boag geschpanne zin,  
 Mè eine kièr dan goont veer droet,  
 Houwte veer oes net miè in.  
 Vastelaovend in oos Bokkeschtad,  
 De parel van oos land,  
 Wat hubbe veer eine lol gehad,  
 de zurreg aan de kant:

Refrein:

Oet de kan, oet 't vaat, oet de kan, oet 't vaat  
 Drinke veer oos lekker beer.  
 Oet de kan, oet 't vaat, oet de kan, oet 't vaat  
 Schtruimj lol, schpass en plezeer.  
 Oet de kan, oet 't vaat, oet de kan, oet 't vaat  
 Tot onder op de baom,  
 En wèèr veer get duuzelig, dan nao de frite-kraom,  
 En wèèr veer get duuzelig, dan nao de frite-kraom.



SCHUT NOG INS IN, MARIE!

## Schut nog ins in, Marie!

Teks en meziek: Bertie Jennekens

Iech drink zoa gèèr ei glèèske beer, Dat zèk iech vrie en vränk.  
En dèè 't beer neet lekker vinh, is vas en zeker krank.  
Iech zouw ins gèèr de vate zeen, Die veer oos lève lank,  
Tesame mèt oos wederhèlf. Al hubbe lèèg gemaak....

Refrein:

Schut nog ins in Marie, Laot oes nog mèr eint drinke  
Wat ies 't lèève, - 't lèève zonder lol  
Schut nog ins in Marie, iech wil aan nieks miè dinke,  
Allein mèr lèève, Lèève veur de lol!

Es veer dan same heiversch goan, hout' veer oes schtevig vas....  
En hubbe van de duzeligheid, Jao gaaroet geine las!  
Veer scheete um de bochte heer, Wie eine schtraalpiloot,  
En zègge schtil al tègenein: Wat schmaakde dat weer good....  
Refrein:

## Schlager 1973

Teks: Tonie Marschall  
(Uut in der heimat)

Och hauwe weer mer altied vastelaovend  
Den hōbbe weer altied sjpas  
De auwe, de jonge, de sjmale, de ronje  
Ze hangen biejein aan den tap  
Ze drenke ein dröpke, of ein glaas beier,  
en maken 't allemaol kakelbontj  
En laot os neit vergête, he is toch om te ête  
Det is toch oze carnaval.

Refrein:

Jao op de Nuusjtadt is de carnaval 't sjoonste  
Jao det is eerlijk waor, weer foetelen 't ganse jaor  
Jao op de Nuusjtadt is de carnaval 't sjoonste  
Wir lachen en zengen en sjprenge, os den gezondj.

En laot os noe zenge en same sjprenge,  
allein veur de sjpas en de lol  
Wae det neit kent verdrage,  
solle weer heives drage,  
Weer hauwte det waal vol.  
Al kriege weer eine kater,  
al sjlaon weer eine flater.  
Weer hauwe noe degelijk op die kis  
Laot os dao neit aan denke,  
dao is genug te drenke  
omdet 't vastelaovend is.

Refrein:





## Iech zouw diech zoa gère

Teks en meziek: Bertie Jennekens

In eeder miensche-lèève,  
 Kump einmaol einen daag,  
 dat hee neet miè allein wilt zin  
 En hie of dao ein uigske waag.  
 Cupido mèt ziene pielebaog,  
 Hèèt alles lang gezeen,  
 Hee zèt e pielke op z'ne baog,  
 Schuut door hun hertsches heen,  
 Mè 't ies neet altied raak....  
 Dat liek dèks aan de schmaak!


Refrein:

Iech zouw diech zoa gère, gère, gère wille hubbe,  
 Iech zouw toch zoa ièwig gère ummer van diech zin,  
 Mé veur de leefde hubs doe gein geveul (bis)  
 Daoveur bies doe jaomer, jaomer, jaomer veuls te keul. (bis)

Mè dè 't wilt probere,  
 Gèèf iech eine goowe raod,  
 Dat hee good oet zien auge kiek,  
 De kop neet sjtièk in sjtruppendraod,  
 Mè es 't einmaol ies gebeurd,  
 Dan geuf 't gein teruuk!  
 Drum loestert good wat iech uuch zèk:  
 Vriejt leever dan mèt schtuuk!  
 Mè 't geit toch naots zoa gauw,  
 Iè me ies man en vrouw....  
 Refrein:



UT ALLERLEEFSTE MAEGDJE



## Ut allerleefste Maegdje

Teks en meziek: Mevr. Cuypers-Janssen

Geluif mich daovan kriegst tich geine spieet  
 of hebst tich mer allein  
 vuur dae angere tieed?  
 Dich best ut allerleefste maegdje  
 det ich tot noow tow heb gezeen.  
 Want ich hou-j, ich hou-j, ich hou-j  
 Zoe vul van dich.

Refrein:

Dich best ut allerleefste maegdje  
 det ich tot noow tow heb gezeen.  
 Want dich past, dich past, dich past,  
 zoe good beej mich.  
 Dich best ut allerleefste maegdje  
 det ich tot noow tow heb gezeen.  
 Och noow kom, noow kom, noow kom,  
 toch gauw beej mich.

Ich meindje dieeze aovundj  
 Allein us uut te gaon  
 Mer wi-j ich dich zoog staon  
 Woor ut zoe met mich gedaon.  
 Ich wil nao dieeze aovundj  
 Allein met dich nog gaon  
 Ich zeen gein anger staon  
 En det hebst dich toch gedaon.  
 Refrein:



KAAJE KOOK



## Kaaje kook

Al die nozumps die schuppe ôs probleme,  
 angstig laupe de luuj euver straot,  
 Want die knulkes mit al heur probleme,  
 hōbbe sóms einen hele groten taot.  
 En me lik dich ei stekske in dien nekske,  
 zo get lap tich zōne spijkerbōks-knul.  
 Aevel veer kinne taeye ei blauw plekske,  
 en haaje auch van ei bietje flauwe kul:

Refrein:

Laot tich zeen kaaje kook, spring mer raak kaaje kook, |  
 al dien cente hoof ze hie neet aaf te gaeve. |  
 Laot tich zeen kaaje kook, spring mer raak kaaje kook, |  
 want det kins ze neet in eder sjtad belaeve. | (bis)  
 Welke rang kaaje kook, welke sjtand kaaje kook, |  
 jao det kump ter zich ei paar daag neet op aan. |  
 Want doe its werme kook, mer doe bliefs kaaje kook, |  
 aan daen eere-naam dao kump ôs nemes aan. |



‘T LEKKER J6NK’

## 't Lekker Jònk!!

Teks en meziek: Jo Leenhouts

Lieske hat ein stök in de kraag  
 't Stóng in 'Tante Bet' dees daag.  
 Dao kós det kiendje toch nieks aan doon  
 'sjmorreges kreeg 't de sjtoep neet sjoon.  
 'ne Plies haet h'm thoes gebrach.  
 Raoj ins waat dae kaerel taege um zach:

Refrein:

Doe, leef lekker jónk,  
 Ich kan dich toch neet vergaete.  
 Doe, leef lekker jónk,  
 Wo mit ich in 't park hób gezaete.  
 Doe, leef lekker jónk,  
 Mien hert det sjteit in vuur en vlam  
 Kóm noe gauw leeve schat, bleumpke oet ós gooj sjtad,  
 Want ich hób nog gein muundje gehad.

Oma waas pas tachtig jaor,  
 had de kop al vol gries haor.  
 Op eine keer zaet ze taege mich,  
 jóng haaj dich noe toch ins die gezich.  
 Oma koesj, jao ich zèk nieks meer,  
 mer toen kwaakde dich det oûdje alweer:  
 Refrein:

Òs kat hat ein schwaor óngelök,  
 waas gestóke door ein mök.  
 Det euverlaefde 't deer neet meer,  
 'n waek schwóm de kater in 't beer.  
 Hae waas noe ziene 'leeve' kwiet,  
 en noe miauwde hae de ganse tied:  
 Refrein:



HOONDERKAL

## Hoonderkal

Teks en meziek: Toine van Bergen

't Is mit mien salaris helemaol neet good gesjeld  
 Ich kom altied te kort, ich hōb gebrek aan geldj  
 Ich hōb nog nooit ein bankbiljet van doezend piek gezeen  
 't Grotste waat mich miene baas betaalt is ein van teen.

Refrein:

Es ich ein hoon had, die mich golje eier loog  
 Dan hoofde ich neet meer te klage  
 Dan waas ich op en top meneer  
 Dan dronk ich nieks es sjnaps en beer  
 En kos de hele daag, ein nondedjuke drage.

Mer mit de vastelaovend  
 Sjeit 't mich in miene kop  
 Dan maak ich mit plezeer  
 Mien leste cente op.  
 Dan doon ich mich ein maske veur  
 En trek ein pekske aan  
 Dan kump 't op ei kwartje of ei dubbeltje neet aan.

En es 't assele-goonsdaag is  
 Dan gaon ich weer nao hoes,  
 Dan bon ich ongerhandj  
 Nog ermer es ein loes  
 Dan kiek mien vrouw mich aan en zaet  
 Noe doot mich ei plezeer  
 En kal mich van die hoon mit golje eiere nimmer meer.

**Mam!!**

Teks: A. Laudy

Meziek: K. Nogosse

Me zuut 't aan de luu,  
De sjpas begint opnuu,  
D'n hoerae is weir dao,  
De kènjer doon h'm nao,  
Noe gauw de sjluppe jas,  
Van baove oet de kas,  
En mit de zieë van de pap,  
Gaon ig dan mit de mam op sjtap.

Refrein:

Drie daag lank is mam dan neit te temme,  
Drie daag lank is mam neit mee te remme,  
Dee'z drie daag geit de mam door 't getuig,  
Dao bèn ig dan waal zeker van, en vas van euvertuug. (bis).

De mam waar èns verkleid,  
Doe kènde ig ze neit,  
Es sjoolkendj mit de tesj,  
De mèlk nog in de flesj,  
Doe zag ze taeghe mig,  
Wae zit dao naeve dig,  
Maag ig bie digge op de sjoot,  
Al bèn ig dan oug neit zo groot.

Refrein:

Es mam de waarheid zaet,  
En eine tösje haet,  
Dat deit ze mit plezeir,  
Altied op heur maneir,  
De mam is ummer fien,  
deit noots neit eine pien,  
En treed oug nemes op d'n teen,  
Zo mó't de vastelaovend zeen!

Refrein:

## Wie 't koum dat zeve Dörpelmaeg Jóffere woorte

Teks: Ton v.d. Borst

Meziek: Hel en Valsj

Zeve Dörpelmaeg dat woorte Jóffere,  
zeve Jóffere dat waare Dörpelmaeg.  
Wodoor koum dat noe, jao wiej koum dat noe?  
Dat laote veer ug zeen.

Refrein:

Vader Abraham haet zeve zoone,  
zeve zoone haet vader Abraham,  
Door hun koum dat noe, door hun koum dat noe.  
Zie höbbe 't gedaon.

En den eesjte van dees zoone,  
dat is den aller-allersjoonste.  
Moch neit vrieje van ziene pap,  
mer hae hou 't höm toch gelap.

Refrein:

Wiej d'n tweede en d'n driede  
zouge wiej d'n eesjte vriejde,  
Wolle zie 't gaon perbeiere  
om ein maedje te verseiere.

Refrein:

En de veierde en de viefde  
wiej d'n ouwe heer ouch kriesjde.  
zie ouch slouge hunne slaag,  
en ze vriejde mit ein maeg.

Refrein:

Blif nog euver zös en zeve,  
zie zeen neit achtergebleve,  
Höbbe allebei aan de handj,  
ein Dörpelmaag oet Zittesj landj.

Refrein:



'T BOKKERIEG STEIT OP STELTE

**'t Bokkeriek steit op stelte**

Teks en meziek: Troutje Driessen

't Ganse bokke riek dat steit op stelte  
en de bok steke weer van wal  
weer hange de zorg noe aan de kapstok  
want 't is weer carnaval  
weer trekke noe café in en oet  
want weer leve veur plezeer  
weer danse en sprengende weer zoepe en zenge  
van ein twae hup dao gaon ver weer.

Refrein:

Alaaf de bok alaaf de bok  
die geve n'm van katoen  
die make spas mer mit fatsoen.

## é Weurdje nao...

Dat waor 't dan, oet oze sjat  
 Va leedjes in 't plat.  
 En ech ich gaon der prat  
 Op, dat ich ze in dit beukske höb gezat  
 De vastelaovend va Limburg, is  
 Veur de res van 't landj ei gemis,  
 Was te door eine sjlager neet kris  
 Ich dach dat dat ederein wis.  
 Want veul luuj oet oze dichtersjtandj  
 Gove hun leedjes oet de handj  
 Wore es sjriever vaste klantj  
 En holpe daomit, de res van 't landj.  
 Noe höbbe veer veul van die leedjes trök  
 Ich ben blie, dat 't allemaol is gelök  
 't Begin is dao, zeet noe gein zök  
 En blif veur vastelaovend sjtaon op eur sjtök  
 Ver zeen aan taal en weurd zoa riek  
 Veer höbbe oos eige luuj veur meziek  
 Hauwt vastelaovend good vas, en 't blik  
 't Is get van ôs, en veer höbbe geliek.....

B. Paulissen-Willen